

JANSENISMI HISTORIA

BREVIS,

Cum adjuncta solutione plurimarum Difficultatum in nova *Panegyri Janseniana*, aliisque hujusmodi Scriptis adversus Apostolica Decreta propositarum.

AUTHORE L. C. D. *Sac. Theol. Licentiato, Eccl. M. M. Canonico.*

Diligite homines, interficite
errores. *S. Aug.*



LOVANI, I,
Apud ÆGIDIUM DENIQUE 1700.

Cum Approbationibus.

THE UNIVERSITY OF CHICAGO

LIBRARY

1911

THE UNIVERSITY OF CHICAGO

LIBRARY

1911

THE UNIVERSITY OF CHICAGO

LIBRARY

THE UNIVERSITY OF CHICAGO

LIBRARY

1911



THE UNIVERSITY OF CHICAGO

LIBRARY

1911



PRÆFATIO.



*Istoriâ Baianismi editâ, cœperunt illicò Viri quidam mihi plurimum honorandi similem Historiam Fanse-
nismi postulare. Sed, præter plurima quæ ab hac suscipienda deterrebant, non apparebat operæ pretium, utpote cum prætensi Fansenistæ jam sæpius apertè declarassent se propositiones 5. famosas damnare in omni illo sensu in quo per Constitutiones Innocentii X. & Alexandri VII. damnatæ sunt; imo se paratos esse Formulæ Alexandrinæ subscribere, dum legitime requirerentur: seque præto-*

*rea planè cupere ut Innocentii XII.
 Brevia ad amussim observaren-
 tur. Accedebat quod Theologi Bel-
 gæ quorum causam agit Doctor
 Hennebet in Urbe, luci darent nu-
 peram suam Confutationem Libel-
 li Hispanicè editi hoc titulo, Me-
 morial al Rey &c. in qua §. 3. scri-
 bunt sequentia.* "Orbi & Urbino-
 „tum est neminem in Academia
 „Lovaniensi ad gradus admitti
 „qui non prius juret se Constitu-
 „tiones Pii V. Gregorii XIII. &
 „Urbani VIII. recipere, & pro-
 „positiones quæ in iis damnantur,
 „damnare." Addunt quod Facul-
 tas Theologica, conscio & laudan-
 te Alexandro VII. decreverit ut
 gradum aliquem suscepturis præ-
 scriberetur hæc Formula: "Ju-
 „rabis te quinque articulos per
 „Constitutiones SS. Pontificum In-
 „nocentii X. & Alexandri VII.
 „damnatos damnare; iisdemque
 „Constitutionibus religiosam ob-
 „servantiam præstare." Addunt
 quo-

quoque quod hoc Juramentum in
hodiernum usque diem vigeat. §.
5. dicunt de sensu Jansenii serva-
re se silentium in Brevis Apostoli-
co indictum, atque interim juxta
idem Breve, quinque propositiones
in sensu obvio damnare. Quod at-
tinet ad propositiones triginta &
unam, damnatas ab Alexandro
VIII. nemo est in Belgio, inquiunt,
qui illas post condemnationem de-
fendat. Et §. 6. dicunt esse calum-
niam quod Alexandri VIII. Decre-
tum ab ipsis repudietur. Deinde sic
aiunt ibidem: " Adversarii hacten-
us rigorem nullum aut novita-
tem à Sede Apostolica condem-
natam designare potuerunt, quam
non profiteamur nos palam con-
demnare: aut si id nondum fatean-
tur, nunc saltem rigorem aut no-
vitatem talem proferant, & mox
condemnabimus. " Denique §. 7.
sic scribunt. " Declaravimus jam
pridem & palam professi sumus
nos doctrinæ Patrum Domini-

„canorum & Discalceatorum de
„prædestinatione & gratia Christi
„subscribere..... Et, ne dicat Pa-
„ter P. subscribere nos doctrinæ
„Thomistarum prout illam nos
„sensu nostro explicamus, declara-
„vit non ita pridem Doctor Hen-
„nebel, tam suo quàm Theologo-
„rum quorum in Urbe partes a-
„git, nomine, subscribere se illi,
„etiam prout explicatur ab ipso
„R. P. Thyrso Gonzales, tom. 4.
„select. disp. p. 304. disp. 4. de sta-
„tu naturæ puræ §. 69. ubi eam
„his articulis comprehendit. 1.
„Patres Dominicani gratiam ef-
„ficacem ponunt in Prædetermi-
„natione Physica essentialiter con-
„nexa cum consensu. 2. Dicti Pa-
„tres expressè asserunt cum hac
„gratia componi quod voluntas
„maneât liberâ libertate indiffe-
„rentiæ ad oppositum. 3. Dicunt
„quoque voluntatem simul cum
„prædeterminatione ad actum sa-
„lutarem habere proximam poten-
„tiam

„tiam ad oppositum. 4. Si ex sua
 „gratia physicè prædeterminante
 „judicarent sequi eversionem li-
 „bertatis indifferentiæ, eam om-
 „ninò negarent. Has Thomistarum
 „conclusiones esse Catholicas &
 „sanas dicit R. P. Gonzalez. Sub-
 „scripsit autem illis Doctor Hen-
 „nebel hisce verbis. Ego infra-
 „scriptus declaro hanc ipsam esse
 „sententiam Theologorum quorum
 „partes ago. Si quis de eorum aut
 „saltem alicujus ex illis sensu du-
 „bitet, eum nominare dignetur,
 „meumque erit intra trimestre fi-
 „dem facere per propriam illius
 „subscriptionem, quod hanc meam
 „declarationem nomine suo fa-
 „ctam, habeat ratam, ac gratam.”
 Hactenus illi.

Et hæc quidem spem afferebant
 pacis brevè secuturæ, adeo ut su-
 pervacaneum videretur hac de re
 quidquam ulterius scribere. Sed
 aliud omnino portendere visa sunt
 opuscula quædam cum præfixo Pa-
 negy-

negyreo Jansenianæ titulo, sub
 finem anni præcedentis impressa,
 & in Belgium nostrum Hispani-
 cum aliunde illata, mihi que non
 pridem communicata; in quibus
 adversus Apostolica Decreta Li-
 brum doctrinamque Jansenii con-
 cernentia, novæ veteresque propo-
 nuntur objectiones, nempe sequen-
 tes.

1. Decretum libri Janseniani
 prohibitorium, 1. Aug. 1641. da-
 tum, est subreptitium, cum ante-
 riora Decreta quibus nititur, vi-
 delicet anni 1611. & 1625. non
 fuerint usu recepta, neque legiti-
 me promulgata.

2. Nomen Jansenii in Urbani
 VIII. Bullam irrepsit, inscia imo
 nolente Sua Sanctitate.

3. Adulterata est eadem Bulla
 per appositionem commatis seu
 virgulæ.

4. Malè dicitur in illa, quod
 in libro Jansenii contineantur &
 defendantur propositiones à Pio V.
 dam-

damnatæ: cum econtra liber ille, si diligenter examinetur, mera S. Augustini sensa continere deprehendatur.

5. *Causæ Propositionum 5. famosarum præfectus fuit Albizius, à Doctoribus Augustinianis multum abalienatus, Jesuitisque prorsus addictus: Et ipso procurante, inter tredecim Consultores non pauci fuere Molinistæ, imo unus Jesuita: remotis à Congregatione nonnullis aliis, quibus de jure compete-
bat interesse.*

6. *Neque partes coram se mutuo auditæ, neque scripturæ communicatæ fuerunt: quorum tamen neutrum, juxta juris præscriptum, Ecclesiæque consuetudinem, omitti potuit; saltem pluribus Episcopis utrumque vehementer urgentibus ob materiæ gravitatem subreptionisque periculum, quod suberat dum seculi Potestates contra Jansenium conspirarent, dumque Romæ calumniis plurimis one-*

rarentur ejus prætensi Defensores.

7. Liqueat è testimoniis Commissarii S. Officii, & Lucae Waddingi, quin & Cardinalium Spada & Cechini, quod non fuerit auctoritate Apostolica examinatum an 5. propositiones in libro Jansenii reperirentur, nec ne.

8. Est moraliter impossibile librum Jansenii per 60. circiter viros religione & eruditione præstantes, locoque, studiis, professione & commodis ita dissimiles approbatum, summeque laudatum, continere quinas hæreses, sive 5. famosos articulos.

9. In Decretis Apostolicis causam Jansenianam concernentibus debuisse apponi distinctio inter jus & factum, aut permitti debuisse ut illa Decreta cum tali distinctione reciperentur & subscriberentur, saltem à Monialibus, præsertim cum factum Jansenii foret controversum, cumque Baronius,
Bel

Bellarminus, aliique S. Sedi plurimum addicti, distinctionem istam adhibeant in aliis similibus causis.

IO. *In æternum disputabitur quis sit sensus obuius quinque propositionum, sicuti quis sit sensus à Iansenio intentus: Et ideo adhuc nunc omnino desideratur ut clarè Et distinctè explicetur sensus damnatus istarum propositionum; sicuti adhuc desideratur examen legitimum libri Iansenii.*

Igitur hæ sunt objectiones quæ in Panegyri Janseniana speciosè proponuntur, Et quæ, non obstante Romana huius libri prohibitione, non paucos circumvenire vel saltem conturbare perhibentur. Illarum autem pleraque ex Santamoreo Doctore Sorbonico desumptæ sunt, quamvis ejus authoritas parvi momenti sit in ejusmodi narrationibus; non modò quia Scriptor ille in suo Diario, à S. Sede prohibito, multa narrat ex incerto relatu vel auditu, verùm etiam quia

ejus testimonium causæ Jansenianæ favens, vel quibusdam Sedis Apostolicæ Proceribus, aut PP. Jesuitis vel aliis similibus adversans, jure merito suspectum habetur, uti constabit tum ex historia, tum ex sequentibus quæ in eadem historia prætermittuntur. Siquidem Diarii parte 2. c. 2. obloquitur prohibitioni Romanæ Catechismi de Gratia: Et pariter Officii D. Virginis, Gallicè, p. 3. c. 5. Deinde p. 2. c. 11. dicit quod intercentum circiter Jesuitarum uti Martyrum effigies Romæ Superiorum permissu venales, extaret una in qua sic erat scriptum: Pater Henricus Garnettus Anglus Londini pro fide Catholica suspensus & sectus 3. Maii 1606. Et quod nemo ignoret ipsum extremo supplicio affectum fuisse ob conjurationem pulverariam, de qua accusatus Et convictus fuerit, Et cujus se reum agnoverit jam moriturus, in tantum, ut facti sui pœnitens (cum ipsi

*ipſi exprobraretur quod per illud
exiſtimaret ad gloriam Martyrii
pervenire) reſponderit, numquam
auditum fuit parricidam eſſe Mar-
tyrem. Hac Santamoreus, qui
inde occaſionem accipit Romanos
Cenſores accuſandi. Sed quod af-
firmat neminem ignorare, non tan-
tū ignoravit Bellarminus, ſed
falſum eſſe conſtanter aſſeveravit,
in Reſpoſione ad Apologiam pro
juramento fidelitatis, ita ſcri-
bens: ” Conſtat Henricum (Gar-
nettum Jeſuitarum Præpoſitum
Provincialem) in publico judi-
cio, Rege ipſo ſpectante, qui ſi
vellet, teſtis etiam eſſe poſſet, lon-
giſſimo tempore examinatum,
conſtanter ſemper dixiſſe, neque
ſe neque ullum Jeſuitam hujus
conſpirationis auctorem, vel com-
plicem, vel conſultorem, vel
conſentientem ullo modo fuiſſe....
Quod autem Henricus Garnet-
tus in judicio ſæpe dixerat, id ip-
ſum inſtante morte, coram innu-
me-*

„merabili populo longâ oratione
„protestatus est.” Et cap. 13. A-
pologiae pro dicta Responsione, sic
iterum contra Iacobum Angliæ
Regem scribit dictus Cardinalis.
” Quod Garnettus non solum in ju-
„dicio, sed etiam in ipso theatro
„jam jam moriturus apertè pro-
„nuntiaverit, se proditionis illius
„conscium non fuisse, nisi in con-
„fessione Sacramentali; testes mul-
„ti sunt, sed unus præcipuè vir
„gravis, non Sacerdos, non Ie-
„suita, non Seminarii alumnus,
„qui in ipso theatro prope ipsum
„Garnettum cum esset, ex ore e-
„jusdem Garnetti id se accepisse
„mihi sanctè affirmavit: quod ego
„facile credidi, qui multorum an-
„norum Garnetti consuetudine u-
„sus, optimè novi summam illius
„viri probitatem & innocentiam
„cum summa ingenii & omnis ge-
„neris eruditione conjunctam.”
Hactenus Bellarminus. Deinde
præfatus Santamoreus p. 6. c. 10.
scri-

scribere non veretur quod Summus Pontifex in causa quinque propositionum omnem planè formam & media maximè necessaria neglexerit, supponens Divinam inspirationem omnia suppleturam. Denique p. 2. c. 12. refert se S. Officio fuisse delatum uti Iansenistam, & parum abfuisse quin ibi decerneretur, ipsum in carceres S. Inquisitionis esse conjiciendum: sequè similem incarcerationem adhuc postea non semel timuisse, narrat ibidem c. 14. & p. 3. c. 2. & 3. tamenetsi jam plurimum Episcoporum foret legatus. Quocirca patet quam meritò parvi fiat ejus testimonium in iis quæ causæ Iansenianæ favere videntur. Sed non ita rejici potest ab illis qui causæ isti nonnihil addicti sunt: & eapropter in hoc Opusculo laboratum est ut pleraque dicendorum ipsâ ejus relatione stabilirentur. Cæterum rectenè, an secus, judicet æquus Lector: remque ipsam, id est veritatem & utili-

tilitatem, non ornamenta dicendi;
 quærat. Sed & imprimis hæc omnia
 S. Sedi submissa sunt, cuius De-
 cretis prorsus adhærere statutum
 est; consequenter etiam illis quæ si-
 lentium indicunt, tam super mate-
 ria de Auxiliis, quam super For-
 mularii interpretatione, sicut & 5.
 propositionum, in alios sensus præ-
 ter eum quem ipsa verba præcisè
 exhibent: ne alias, dum paci inter
 quosdam Theologos per Decreto-
 rum Apostolicorum observantiam
 redintegrandæ studeo, ipsemet;
 quod absit, eorundem transgressor
 inveniar. Et utinam ab unoquo-
 que religiosè observarentur, & ob-
 servata fuissent! Etiam illud quod
 concernit silentium in materia de
 Auxiliis, & cui rursus inhæsit
 Sua Sanctitas in Brevi ad Facul-
 tatem Theol. Lovan. dato 6. Feb.
 1694. tunc enim profecto non tot
 orta forent & orirentur dissidia,
 dum alii doctrinam de Gratia per
 se efficaci & de Prædestinatione
 ante

ante prævisa merita, fidei esse contendunt (quamvis eadem Sua Sanctitas ibidem doctrinam istam non obscure collocet in earum numero, de quibus S. Cælestinus ad Episcopos Galliæ rescripsit; "pro-
,,fundiores difficilioresque partes
,,incurrentium in materia Divinæ
,,Gratiæ questionum, quas latius
,,pertractarunt qui hæreticis re-
,,stiterunt, sicut non audemus con-
,,temnere, ita non necesse habe-
,,mus astringere.") Alii contra sen-
sum à Iansenio intentum, in quo damnatæ sunt 5. propositiones, sic interdum intelligunt ut doctrinam de Gratiâ per se efficaci damnatam esse velint. Similiter alii sententiam de referendis actibus in Deum, velut illa per Lovanienses Theologos exhibita fuit Innocentio XI. proscriptam docent. Alii e-
contra sententiam quæ quosdam a-
ctus deliberatos moraliter tantum bonos admittit (¶ quæ fuit Fa-
cultatis Theologicæ Lovaniensis

in formula doctrinæ sub finem anni 1585. Apostolico Nuntio tradita) vel adstipulari Pelagio, vel saltem evidenter Augustino contrariari decidunt. Alii Pelagianismi accusant sententiam tenentem dari quosdam homines propriâ suâ culpâ sic excæcatos & obduratos ut interdum careant gratiâ ad observandum præceptum quod hic & nunc ipsos obligat, & quod consequenter non est ipsis impossibile, necessariâ. Alii econtra hanc notâ afficiunt: "Auxilium „sufficiens ac necessarium ad vi- „tanda peccata, omnibus homini- „bus & omni tempore vel imme- „diatè vel mediatè à Divina be- „nignitate præstatur." Quæ certe omnia, aliaque ejusmodi, perturbationem afferunt, & omnino repugnare videntur Innocentii XI. Decreto de 2. Martii 1679. quod sic sonat: "Tandem ut ab injurio- „sis contentionibus Doctores seu „Scholastici, aut alii quicumque „im-

„imposterum se abstineant, & ut
 „paci & charitati consulatur. idem
 „Sanctissimus in virtute sanctæ
 „obedientiæ eis præcipit, ut tam
 „in libris imprimendis, ac ma-
 „nuscriptis, quam in Thesibus,
 „Disputationibus, & Prædica-
 „tionibus caveant ab omni censu-
 „ra & nota, nec non à quibuscum-
 „que conviciis contra eas propo-
 „sitiones, quæ adhuc inter Catho-
 „licos hinc inde controvertuntur,
 „donec à S. Sede recognitæ super
 „iis propositionibus iudicium pro-
 „feratur.”

His itaque præmissis & conside-
 ratis, cum adjutorio Dei Superio-
 rumque licentiâ narrationem ag-
 gredior: cui responsio ad quatuor
 primas objectiones interseretur:
 sex verò reliquæ seorsim examina-
 buntur.

APPROBATIO

Illustrissimi ac Reverendissimi Domini D. HUMBERTI GUILIELMI A PRÆCIPIANO, Archiepiscopi Mechliniensis, Belgii Primatis &c.

Libellus hic, cui titulus: Jansenismi Historia brevis &c. Authore L. C. D. S. T. L. Eccl. M. M. Canonico, non minus eruditè quam modestè conscriptus, utiliter publicam lucem videbit, hoc imprimis tempore quo passim obtruduntur libri quibus vilipenditur Romanorum Pontificum & Ecclesiasticarum sanctionum auctoritas, quam Eruditissimus Author ab iniuriis obtreptionibus ita vindicat, ut eadem operâ solide confirmet. Datum Bruxellis die 10. Octobris anno Domini 1699.

H. G. ARCHIEPISCOPUS
Mechliniensis

Locus † Sigilli.

De Mandato Illust. ac Rev. Domini
Archiepiscopi Mechliniensis

JAC. OTTAERT Secret.

A P.

APPROBATIONES ALIÆ

D Ecet ingenuos Ecclesia filios exactissimam istius Moniti Apostolici 1. Corinth. 1. observatio: Ut idipsum dicatis omnes & non sint in vobis Ichismata: sitis autem perfecti in eodem sensu & in eadem sententia. Quam id enixè & ardentè desideret Apostolus, testatur, dum eodem loco immediate, quasi obtestando, præmittit: Obsecro vos, fratres, per nomen Domini nostri Jesu Christi. In optandum istud & salutare Idipsum si quotquot sunt Eruditi, quotquot in Ecclesia gremio ineruditi amore pacis & charitatis conspirarent, illico cessarent schismata, contentiones & jurgia, quæ Ecclesiam multis jam retro annis in partes discerpunt, & fædè dilacerant. Cum verò Eruditissimus, ac Modestissimus hujus Historiæ Brevis Author in eo totus sit, ut pacem omnibus, & unanimem in eodem sensu & in eadem sententia circa Constitutiones Apostolicas inspiret amorem, reverentiam & observantiam, nihilque producat, quod sana fidei aut bonis moribus adversetur, valde utiliter hæc lucubratio imprimetur. Datum Mechlinia Vigilia omnium Sanctorum anni 1699.

J. DE CUYPER S. T. L.
Metropolitanæ Mech Canonici Graduatæ & Decanus Lib. Cens.

Idem cenſeo.

J. LAÇMAN S. Th. Do-
ctor Metropol. Mech.
Canonicus & Archi-
diaconus, Præſes Semi-
narii Archiepiſcopalis,
Lib. Cenſ.

Tenebroſas nebulas, quas Panegyris Janſenia-
na nuper edita, Lectori in cauſa Janſeniana
minus perſpicaci offundere nata erat, Brevis hæc
Janſeniſmi Hiſtoria ex ipſo L. Santamoreo (cujus
relatione Panegyris præcipuè nitebatur) ut pluri-
mum deprompta, inſtar clariffima lucis facile diſ-
peller, ſimulque indiſcretum timorem perjurii cir-
ca Formularium Alexandri VII. abſque diſtinctione
juris & facti, è juniorum præſertim Theologo-
rum animis, quibus debitus obedientia & ſubmiſ-
ſionis erga Summum Chriſti in terris Vicarium ſen-
ſus ineſt, nullo negotio evellat. Quare illam prælo
digniffimam judico. Datum Mechliniæ 10. Sept.
1699.

F. THOMAS DÙ JARDIN S. T.
Doctor, & Prior FF. Prædica-
torum Mechliniæ.

JANSENISMI HISTORIA

BREVIS.

I. "



Aulus Papa V. (ut re-
 „fert Urbanus VIII.
 „in sua Bulla *In emi-*
 „*neni*) ad tollenda
 „scandala & dissen-
 „siones quæ in Ecclesia Catholica orie-
 „bantur occasione editionis librorum
 „& Operum de Auxiliis tractantium;
 „in Generali Congregatione S. Romæ
 „næ & Universalis Inquisitionis sub die
 „1. Dec. anni Dñi 1611. coram ipso
 „habita decrevit ut scriberetur Nuntiis
 „Apostolicis, quod notificarent & or-
 „dinarent Superioribus Religiosorum
 „& Universitatibus Studiorum & Or-
 „dinariis eorum Nuntiaturæ, ne sine-
 „rent imprimi in materia de Auxiliis;
 „etiam sub prætextu commentandi S.
 „Thomam, aut alio modo; & qui vel-
 „lent de hac materia scribere & impri-
 „mere, prius mitterent Tractatus &
 „Compositiones ad dictam S. Univer-
 „salem

„talem Inquisitionem; & in executio-
„nem mentis dicti Pauli Prædecessoris,
„eiusdem Decreti tenor omnibus præ-
„dictis per Nuntios respectivè fuit legi-
„timè intimatus. Successivèque ne con-
„tra prædictum Decretum aliquid at-
„tentari contingeret, sed scandala &
„dissensiones omnino cessarent: Nos
„in alia Generali Congregatione dictæ
„S. Romanæ & Universalis Inquisitio-
„nis feriâ 5. die 22. Maii anno Dñi 1625.
„per aliud Decretum nostrum, ipsum
„Pauli Prædecessoris Decretum confir-
„mavimus & innovavimus, ac omnibus
„& singulis... ne in posterum auderent
„imprimere vel quoquo modo in lucem
„edere Libros, Tractatus vel Compo-
„sitiones... de materia Auxiliorum Di-
„vinorum tractantes, sine expressa &
„speciali licentia à Nobis in Congrega-
„tione S. Officii prædicta, obtinendâ,
„donec aliud in hac materia à Sede A-
„postolica foret ordinatum, districtè
„præcepimus & mandavimus: & ut
„huiusmodi nostrum Decretum invio-
„labiliter observetur, voluimus & decla-
„ravimus contravenientes, poenas pri-
„vationis dignitatum & officiorum....
„incurrere.... librosque quos ex tunc
dein-

deinceps contra dicti nostri Decreti
tenorem edi contingeret, absque alia
declaratione tanquam expressè prohi-
bitos haberi, & Impressiores, præter
amissionem librorum, pecuniariis, aliis-
que corporalibus pœnis juxta criminis
gravitatem teneri.

Novissimè tandem (utì prosequitur
idem Urbanus) accepto per Nos in
oppido (civitate nuncupato) Lova-
nensi, quosdam assertos Cornelii Jan-
senii olim Episcopi Iprensis executo-
res ex Testamento in lucem edi curas-
sent librum cui titulus Augustinus
ex professio continentem ac tractan-
tem materiam de Auxiliis, nullâ peni-
tus petitâ vel obtentâ à S. Congrega-
tione licentiâ illum imprimendi, ejus-
que Operis occasione Patres Societatis
Jesu nonnullas in civitate Antverpiensi
de eadem materia tractantes Theses,
pariter absque licentia ejusdem Con-
gregationis imprimi curasse, opinio-
nesque Jansenii in prædicto libro con-
tentas oppugnasse: rursusque nonnullas
alias Orationes, Scripturas, Epistolas
Thesesq; in calce infrascripti Decreti
nostri tunc registratas, tam pro dicti
libri Jansenii, quàm Thesium à Patri-
bus

„bus Jesuitis editarum defensione im-
„pressas fuisse, non solum contra prædi-
„ctorum Decretorum prohibitionem,
„sed etiam in grave scandalum & offen-
„sionem Ecclesiæ Catholicæ. Nos ut
„malis ejusmodi imminetibus quanto
„citius occurreretur, & ne in posterum
„ullus auderet dictis Decretis contraire,
„per aliud Decretum 1. Augusti proxi-
„mè præteriti.... Librum Jansenii cui
„titulus Augustinus Lovanii impressum,
„nec non Theses à Patribus Societatis
„Jesu Antverpiæ in lucem editas, alias-
„que Scripturas in calce posterioris no-
„stri Decreti hujusmodi registratas, jam
„vigore anteriorum supradictorum De-
„cretorum prohibitas, de novo prohi-
„bemus &c. Mandamus intuper omni-
„bus & singulis.... ne in posterum au-
„derent imprimere, nec quoquo modo
„in lucem edere Libros, Tractatus,
„Compositiones ex professo vel inci-
„denter etiam sub prætextu commen-
„tandi S. Thomam, seu in Philosophi-
„cis agendo de concursu causæ primæ
„cum secunda, & præsertim defen-
„dendi aut impugnandi Librum dicti
„Jansenii cui titulus Augustinus, vel
„Theses Patrum Societatis Jesu.... aut
„aliâ quâvis occasione vel modo de ma-

„teria Auxiliorum Divinorum seu de
„Gratia & Libero Arbitrio tractan-
„tes, sine expressa licentia &c. Volui-
„musque ea omnia iuum plenarium for-
„tiri effectum, omnesque contrafacien-
„tes, ut supra, ligare, nec quemquam
„excusari posse, etiam sub prætextu,
„quòd anteriora nostra Decreta Pauli
„Prædecessoris & Nostra, alias ut præ-
„fertur, edita, non forent in Provinciis
„intimata, vel usu recepta. Irritum quo-
„que & inane decernimus &c. Et... vo-
„luimus ut posterius nostrum Decre-
„tum huiusmodi, seu illius exemplum
„ad valvas Basilicarum S. Joannis Late-
„ranensis & Principis Apostolorum de
„Urbe, & in acie Campi Floræ affixum,
„omnes ita arctaret, & afficeret, ac si
„unicuique personaliter intimatum fo-
„ret." Haftenus Urbanus.

II. Porro Joannes Jansenius Canoni-
cus Furnensis, & Corneli Episcopi ne-
pos, supra dictum 11. Augusti 1641.
Decretum, subreptitium esse contendit,
præsertim ex eo quod priora Decreta
anni 1611. & 1625. non fuissent usu re-
cepta, nec unquam legitimè promulga-
ta, quandoquidem Universitas Lova-
nienfis 24. Aug. & 18. Sept. 1640. de-

claravisset, quod Decreti ullius quo à S. Sede prohiberetur in lucem edi libros tractantes de auxiliis Divinis, nulla extaret memoria, & quod nulla unquam observatio talis Decreti in Belgio in illum usque diem fuisset. Ideoque dictus Joannes Jansenius Memoriale, quod nuper cum aliis similibus & similiter inhibitis opusculis reimpressum est, Regi exhibuit ad impetrandam executionis dicti Decreti suspensionem, donec Sedes Apostolica plenius instrueretur.

Verùm Urbanus VIII. in verbis ante relatis expressè declaraverat quòd dicti Decreti Paulini de anno 1611. tenor omnibus Superioribus Religionum & Universitatibus Studiorum & Ordinariis eorum nuntiaturæ, per Nuntios respectively fuerit legitimè intimatus. Neque Universitas declaraverat oppositum, id est tale Decretum non fuisse per Nuntios prædictis omnibus legitimè intimatum: sed tantummodo declaraverat anno 1640. non extitisse memoriam illius Decreti quod Urbanus VIII. enuntiabat legitimè intimatum fuisse 30. fere annis antea. Neque quod in sua declaratione addiderat Universitas, *nullam unquam observationem talis Decreti in Belgio*

gio in illum usque diem fuisse, probabat antedictam intimationem non fuisse præfato tempore legitimè factam; non magis quam similis quoque contraventione hætenus perdurans probet non esse legitimè factam hætenus ullius talis Decreti intimationem, quam nimirum esse legitimè factam & sæpiùs innovatam, ex infra dicendis omninò constat.

Præterea Decretum 11. Augusti 1641. expressè rejicit istam exceptionem seu prætextum juxta quem contenderetur quod anteriora duo Decreta Pauli & Urbani non forent in provinciis intimata, vel usu recepta. Quod rectè Summo Pontifici competit, id est præfatam exceptionem rejicere, saltem quantum ad novam prohibitionem, quam tunc ita decernebat, ut prætermitteret unà declarare quod illi qui contravenerant, poenas in priori Decreto suo de anno 1625. statutas incurrissent.

III. Cum autem, sicuti prosequitur idem Urbanus in eadem Bulla, "ex
„diligenti & matura ejusdem libri cui ti-
„tulus Augustinus lectione, postmo-
„dum compertum fuerit in eodem libro
„multas ex propositionibus à prædeces-
„soribus nostris (Pio V. & Gregorio XIII.)

dam-

„ damnatas contineri, & magno cum
 „ Catholicorum scandalo & authoritatis
 „ S. Sedis contemptu, contra præfatas
 „ damnationes & prohibitiones defen-
 „ di. Nos... motu proprio & ex certa
 „ scientia nostra, ac de Apostolicæ po-
 „ testatis plenitudine... Pii & Gregorii
 „ Prædecessorum hujusmodi Constitu-
 „ tiones prædictas... confirmamus &
 „ approbamus, librumque prædictum
 „ cui titulus est Augustinus, articulos,
 „ opiniones & sententias in dictis Con-
 „ stitutionibus reprobatas atque damna-
 „ tas, ut à Nobis compertum est, con-
 „ tinentem & renovantem; aliaque om-
 „ nia opera præsentibus nostris litteris
 „ subinserta &c. omninò prohibemus
 „ &c. Opera verò addita aliis... prohibi-
 „ tis sunt sequentia... Memorial au Roy
 „ incipiens, Jean Jansenius Chanoine &c
 „ & finiens, contra illa duo decreta Sum-
 „ morum Pontificum &c. Item Attesta-
 „ tio notarialis &c, incipiens, Ego infra-
 „ scriptus, & finiens, Petrus Mintacrt
 „ Notarius. Approbatio sub nomine
 „ nonnullorum Theologorum ex variis
 „ religionibus... necnon Archiepiscopi
 „ Philippensis, aliorumque Theologo-
 „ rum Clericorum sæcularium Doctri-
 næ

„næ C. Jantenii in dicto Libro Augu-
„stinus Contentæ, incipiens, Quid cen-
„sendum sit de Doctrina &c. & finiens,
„& me publico & Apostolico, ac dictæ
„Universitatis Notario &c. Ut autem
„&c. volumus easdem præsentēs nostras
„litteras seu earum transumptum... in
„Basilicæ Principis Apostolorum de
„Urbe, & Cancellariæ Apostolicæ val-
„vis, atque in acie campi Floræ... publi-
„cari & affigi, earumque copiam inibi
„affixam dimitti, publicationemque,
„affixionem & copię affixæ dimissio-
„nem hujusmodi in omnibus & quoad
„omnia sufficere, & pro solemni & le-
„gitima haberi, nec aliam publicatio-
„nem in Regnis, Provinciis, Civitati-
„bus, oppidis, & locis requiri aut ex-
„spectari debere &c. Hæc omnia in di-
„cta Bulla *In eminenti* data anno 1642. &
publicata Romæ anno sequenti: ac po-
stea statim missa ad Ordinarios. At il-
lius executionem in quibusdam Diœce-
sibus Belgicis aliquamdiu impediverunt
nonnulli Lovanienses, sub obtentu va-
riarum rationum quas S. Sedi exponere
cupiebant, quasque postea per Doctores
Sinnichium & Papium Romam oblega-
tos exposuerunt. Sed equidem Docto-
ribus

ribus illis longè lateque tum verbo tum scripto ibidem auditis, Sua Sanctitas 16. Junii 1644. decrevit, antedictam Bullam plenarium suum effectum sortiri debere. prout hæc videre est in Diplomate Regio de 15. Martii 1651. quod extat inter Edicta Brabantiae *parte 3. l. i. tit. 3. c. 4.* & prout amplius patebit per Decretum Apostolicum infra referendum.

IV. Illi autem Academici Deputati querebantur imprimis de nomine Jansenii perperam inserto Bullæ *In Eminenti*, & de perperam enuntiata Bullæ Piana confirmatione per Gregoriū XIII. sed quandoquidem duabus his querelis satisfactum sit in *Historia Jansenismi pag. 69. & seqq.* hic solummodo notandum est quod Urbani VIII. verba in præfata Historia referantur ex libello *Rationum Archiepiscopi Mechliniensis*: & quod in attestatione Sinnichii à Santamoreo relatâ in Collectaneis, eodem planè sensu sic habeantur: *Cavisse ne in ista sua Bulla seu Constitutione, ullus in particulari suggillaretur cum expressione nominis.* Præterea iidem Deputati cavabantur tantum abesse, propositionum à Pontificibus illis damnatarum aliquam, magno cum Catholicorum scandalo & auctori-

tatis

tatis S. Sedis contemptu renovari & defendi in libro Jansenii, ut potius eas omnes jure damnatas & proscriptas fuisse, in illo disertè assereretur. Hoc solum affirmabant in eodem libro agi, & quidem summa erga S. Sedem veneratione, ut appareret quo sensu harum nonnullæ traderentur ab Augustino, quove alio sensu, & quas ob causas damnatæ fuerint & proscriptæ: idque ut ostenderetur Constitutionibus Pii V. & Gregorii XIII. veram & genuinam S. Augustini Doctrinam nullo pacto lædi, neque modernos Pontifices ab antiquis illius doctrinæ approbatoribus dissentire.

Causabantur insuper non omnes istas propositiones, vulgo Baianas, esse damnatas uti falsas, cum diceret Bulla, nonnullas aliquo pacto sustineri posse in rigore & proprio verborum sensu ab Assertoribus intento; sed quasdam tantummodo proscriptas tanquam scandalosas, aut in piis aures offensionem immituentes, ex eo quod tunc temporis scandalizarent vel offenderent aliquos Magistros, qui Philosophiæ & Theologiæ Scholasticæ magis quam S. Augustini & aliorum SS. Patrum phrasibus erant assueti. Denique constanter asse-

E

verabant

verabant Librum Janlenii nihil continere præter ipsissima. S. Augustini sensa, idque clarè demonstrari posse, si liber ille debitè examinaretur, & cum Scriptis ejusdem Augustini conferretur. Videri possunt hæc inter *rationes ob quas Archiepiscopus Mechliniensis à promulgatione Bullæ qua proscribitur Liber C. Jansenii abstinuit* (quas rationes solidissimas vocat Author Prologi Panegyreos Jansenianæ pag. 29. tametsi non obstantibus illis, idem Archiepiscopus isti Bullæ tandem acquieverit) videri etiam potest *Molinomachia*, quam ibidem p. 24. laudat idem Author: & Panegyris Janseniana pag. 76. 77. & 78.

V. Verùm Sedes Apostolica non finit ullas Propositionum antedictarum ab Augustino traditas dici, & Augustini prætenso sensu, vel alio quocumque defendi: quippe cùm Pius V. omnes & singulas *damnaverit, circumscripserit, abolerit, de eisdem & similibus posthac quoquo modo loquendi, scribendi & disputandi facultatem quibuscumque interdixerit*: idque non ad tempus tantum, aut solummodò propter certas circumstantias, sed absolutè. Prætereà quod attinet ad intellectum horum Bullæ Pianæ verborum,

rum, *quamvis nonnulla* (sententiæ) *aliquo pacto sustineri possent in rigore & proprio sensu ab assertoribus intento*, notum est, quòd exemplar Bullæ Deputatis Academicis per tres Cardinales ex Decreto postea referendo traditum, & districtè observari jussum, habeat distinctum comma post hæc verba *sustineri possent*, & ante hæc, *in rigore & proprio verborum sensu*: & notum est quoque ad S. Sedem pertinere Bullarum suarum interpretationem, dubiorumque circa easdem exortorum decisionem. Quantum autem ad examen Libri Janseniani, Urbanus VIII. verbis antè relatis affirmat, quòd *ex diligenti & matura ejusdem Libri lectione* compertum fuerit, in eodem Libro multas ex Propositionibus à Prædecessoribus suis damnatas contineri & defendi: & paulò post repetit hæc verba, *ut à Nobis compertum est &c.* Quare cùm S. Sedi satisfactum esset, non debuit illa novum examen instituerre, ut exploratam haberet dictæ prohibitionis æquitatem: (instituit tamen: nam, teste Santamoreo *p. 4. c. 2.* Innocentius X. ipsi & Collegis ejus 21. anni 1652. affirmavit, Lovanienſes ad propugnandum Jansenii Librum Romam

ablegatos, dixisse quòd istius Libri doctrina cum Augustiniana planè conveniret: sed, postquam idem Liber fuisset examinatus, & cum S. Augustini doctrina collatus, illos qui tunc temporis ad examen adhibiti fuerant, comperisse, quòd dictus Liber Propositiones à dicta S. Augustini doctrina multùm alienas contineret.) Neque verum est, velut ex sequentibus apparebit, quòd secundùm Juris ordinationem debuerit S. Sedes in hac causa ullum alium examinatore vel informatorem adhibere, quàm quem Ipsi adhibere placuit: quicquid contrahitur Joannes Jansenius in fine præfati sui Memorialis allegans Patrem J. B. Poza, qui quosdam suos Tractatus à S. Congregatione Indicis vetitos & damnatos defendisse fertur, contendendo quòd in causis Librorum prohibendorum & expurgandorum, non solum Scriptores, si modo Viri docti sint, sed eorum quoque Ordines, vel Academiæ, vel Provinciæ, vel Cognatio, audientiam postulantes, audiri *debeant*.

Cæterùm qualiter nihilominus auditi fuerint antedicti Deputati, & quid responsi tandem acceperint, patet ex sequenti Decreto:

"Feria

"Fetiâ 5. die 16. Junii 1644. in Gene-
 ,,rali Congregatione S. Romanæ &
 ,,Universalis Inquisitionis &c.
 ,,Cùm post publicatam Bullam San-
 ,,ctissimi Domini nostri contra Li-
 ,,brum Cornelii Jansenii olim Episcopi
 ,,Iprensis, cui titulus Augustinus, exci-
 ,,tatae fuerint variae difficultates occasio-
 ,,ne diversitatis exemplarium Bullae
 ,,præfatæ, & aliorum de quibus in non-
 ,,nullis Libellis divulgatis: cùmque per
 ,,Joannem Singichium & Cornelium
 ,,Papium Doctores Universitatis Lova-
 ,,nienſis fuerint præsentatae litteræ e-
 ,,jusdem Universitatis, nec non por-
 ,,rectus supplex libellus Sanctissimo
 ,,Domino Nostro pro dictæ Bullæ ve-
 ,,ritate, & intentione Sanctitatis Suæ
 ,,circa illam indagandâ: idem Sanctis-
 ,,simus litteras & libellum præfatum Sa-
 ,,cræ Congregationi Supremæ & Uni-
 ,,versalis Inquisitionis remisit, ut per
 ,,eam de contentis in illis informaretur,
 ,,prout successivè informatus mandavit
 ,,per Eminentissimos ac Reverendissi-
 ,,mos DD. Cardinales Bernardinum
 ,,Spadam, Joannem Baptistam Pam-
 ,,philium (*qui postea fuit Innocentius X.*)
 ,,& Lælium Falconerium, tres ex Su-
 ,,premis

„ premis Inquisitoribus, antedictos Sinnichium & Papium audiri, & deinde
„ Sanctitati Suæ ab eis deducta referri.
„ Qui quidem Domini Cardinales, in
„ executionem dicti Mandati, præfatos
„ Doctores verbo & scripto multa deducen-
„ tes, tum congregatim tum privati-
„ tim audiverunt; eaque omnia in præ-
„ fata Suprema & Universali Congrega-
„ tione prius communicata, ac ibi plu-
„ ries discussa, unà cum voto ipsius Con-
„ gregationis Sanctissimo Domino No-
„ stro diligentissime retulerunt. Sancti-
„ tas vero Sua auditâ relatione & voto
„ præfatis, nec non omnibus maturè
„ perpensis & consideratis, mandavit
„ ex Archivio ejusdem Congregationis,
„ & ex matrice Actorum, quæ in eodem
„ Archivio conservantur, extrahi sive
„ transcribi, & diligenter collationari,
„ ac imprimi exemplar Bullæ præfatæ,
„ illudque sic extractum, collationatum
„ & impressum, eisdem Sinnichio & Pa-
„ pio, per supradictos DD. Card. Spa-
„ dam, Pamphilium, & Falconerium
„ consignari, ipsisque insuper Sinnichio
„ & Papio intimari, & significari, Suæ
„ Sanctitatis mentem & voluntatem esse,
„ ut eidem exemplari sic consignato fi-
„ des

„des adhibeatur, & ab omnibus Christi
„Fidelibus Bullæ hujusmodi omnino
„pareatur, sub pœnis. & censuris in ea
„contentis: & demum super dubitatio-
„nibus, difficultatibus, ac querelis oc-
„casione præfatæ Bullæ quoquo modo
„excitatis vel excitandis perpetuum si-
„lentium imponi, prout imposuit, &
„ita &c. Non obstantibus omnibus &
„quibuscumque in contrarium adductis
„& deductis &c. Insuper Sanctitas Sua
„mandavit juxta sensum præfatum scri-
„bi per eandem S. Congregationem
„Nuntiis Apostolicis ac locorum Ordi-
„nariis, & expediri etiam litteras ad
„Gubernatorem Flandriæ, & Univer-
„sitatem Lovaniensem, & ad alios &c.

Et die 29. Julii 1644. consignatum
fuit exemplar Bullæ, & significata fuit
mens & voluntas Suæ Sanctitatis, ut in
præfato Decreto.

Verum quidam Academici nondum
acquiescentes, ad Aulam Madritensem
per alium Deputatum recurrunt: ubi
rursum auditis omnibus eorundem alle-
gationibus (& consequenter auditis e-
triam rationibus quæ tum ex parte Ar-
chiepiscopi Mechliniensis, tum Epis-
copi Gandavenfis afferebantur, & quæ
anno

anno 1649. typis excusæ erant) Regia Majestas 14. Julii 1650. pronuntiavit nullam subesse rationem impediendi aut diutius protrahendi præfatæ Bullæ publicationem & executionem: prout hæc constant ex antedicto Diplomate Regio de 15 Martii 1651. per quod executioni demandata fuit sæpe dicta Bulla Urbani.

VI. Interea, sicuti videre est apud L. Santamorem, Diarii p. 1. c. 6. 11 Julii 1649. N. Cornetus Facultatis Parisiensis Syndicus, causatus doctrinas novitias quotidie in Baccalaureorum Thesis propugnandas conspici, eoque rem esse proVectam, ut necessario ac prompto egeret remedio, quinque famulos articulos (additis tum duobus aliis qui deinceps rescissi sunt) Facultati censurandos obtulit: factaque propositione, Decanus ex suffragiorum pluralitate conclusit articulos examinandos esse, & in hunc finem deputari quosdam è Doctoribus. Additum quòd articuli Doctoribus omnibus scripti traderentur, ut super illis in proxima Facultatis Congregatione 1. Augusti deliberaretur: & quòd interea Deputati super iisdem inter se conferrent. Cùmque Deputati
illi

illi, quemadmodum refert Sant. ibidem c. 9. dictos articulos condemnandos esse conclusissent: hancque suam conclusionem Facultati referre meditentur Doctor Santamoreus, qui ab initio se Syndici conatibus opposuerat, volens oppositionem suam prosequi, ad Senatum Regium tanquam ab abusu (prout Gallis mos est, etiamsi Clero Gallicano non probatus) appellavit ab examine & judicio Deputatorum, necnon à propositione Syndici, & conclusionem Decani de 1. Julii: suamque appellationem Congregationi Sorbonicæ 2. Augusti insinuavit, & illicò se eidem adjungere 60. Doctores alii: 21. verò ejusdem mensis, aliquot mensium induciæ concluduntur inter partes: & nihilominus circa medium Septembris in lucem prodit quædam censura dictorum articulorum à Deputatis concepta: *Ib. c. 11.* cujus publicationem Senatus 5. Octobris interdixit, uti & quamcumque disputationem aut scriptionem super iisdem articulis, donec &c. *Ib. c. 12.*

Cumque Hallerius 1. Octobris ad officium Syndici electus fuisset, Santamoreus, qui hactenus eundem Hallerium sibi amicum, & nuper in defendenda

Univenſitate aduerſus Jeſuitarum prætenſiones intimè ſibi conjunctum habuerat, vereri cœpit ne novus ille Syndicus prædeceſſoris ſui Corneti, cujus favore electus fuerat, inceptum circa 5. articulos proſequeretur: *p. 4. c. 10.* Ideoque præfatus Sanctamoreus Senatum interpellavit aduerſus Hallerii electionem; cauſatus quod ipſe Paris à Lipide commentarium in Epistoſas Canonicas, adeoque poteſtatem Eccleſiæ in temporalia Regum approbaſſet: *1. p. c. 13.* adjunctique ſibi ſeptem aliis Doctoribus Decretum obtinuit, quo inhibebatur Hallerio ne ſibi ſumeret officium Syndici, donec &c. cui Decreto tamen ille non paruit. *Ib. c. 14. & 15.*

VII. Anno 1650. complures (80.) Galliarum Episcopi Innocentio X. Famofas 5 Propositiones obtulerunt, obteſtatiſque fuerunt ut eaſdem expendere, & perſpicuam ac certam de unaquaque ſententiam ferret. *Diarii p. 2: c. 2.*

Interea Santamoreus in cuiuſdam Nobilis comitatu Romam petit, dumque inde rediens, Genuam appellit menſe Junio anni 1651. ibidem accipit quorundam aliorum Galliæ Episcoporum litteras ab ipſo tanquam eorum Legato Pontifi-

Pontifici perterendas, quibus iidem Episcopi 5. Propositiones ad libitum fistas & ambiguis vocibus concinnatas esse, remque gravissimam & difficillimam concernere significabant; ac propter has aliasque causas non satis tutum esse pro tempore censebant tantam litem definiri, nisi solemni fortè instituto iudicio, vocatis & auditis ambabus partibus, ut non pridem sub oculis P. M. Clementis VIII. & Pauli V. factitatum erat, rem totam placeret à fontibus & ex integro ventulare. Apud Santamoreum in Collectaneis, pag. 5.

10. Julii 1651. Santamoreus præfatas litteras Innocentio X. tradidit, inter alia dicens quod 5 Propositiones essent ambiguae, paterenturque sensum hæreticum à nemine propugnatum, & sensum Catholicum ab Adversariis impugnatum: & quod iidem Adversarii intenderent sub prætextu sensus hæretici damnandi, obtinere censuram quam postea sensui Catholico forent applicaturi. Respondit Pontifex quod si propositiones istæ continerentur in Bolla Urbani VIII. seu potius Pii V. illa prævio examine nimis maturo emanavisset, ut in dubium ulla ex parte revocari sineretur;

tur: ſin autem quid novi foret, illud accurato & maturo examini ſubjiceretur. Replcuit Santamoreus quod Bulla Urbani recepta fuiſſet & publicata per Archiepiſcopum Pariſienſem, & quod nulla 5. Propositionum in iſta Bulla contineretur. Diarii *p. 3. c. 4.*

VIII. 21. Anni 1652. alii à pluribus Galliae Episcopis pro tuenda S. Auguſtini doctrina Deputati, nempe Dominus Brouſſe, Lalane, & Angrian, Romam paulò ante appulſi, cum Santamoreo Pontificem adeunt, ſupplicantes ut Congregationem aliquam conſtituere dignetur ad examinandas 5. Propositiones æquivocas, & ad fraudem fictas; utque partibus tum voce tum ſcripto coram auditis, & omnibus ſcripturis mutuo communicatis, pronuntietur quid ſequendum, quid fugiendum; quis iſtarum propositionum ſenſus ſit falſus, quis verus ſeu Auguſtinianus. Diarii *p. 4. c. 2.* Respondit Papa, teſte Santamoreo ibidem, quod nullam Janſenii mentionem fieri vellet. Quod ubi liber ejus lucem aſpexit, diligens examen fuerit inſtitutum. Quod examine peracto, Bulla Urbani VIII. conſecta fuerit & promulgata; per quam iſte liber, pariterque Jeſuiticæ

ticæ Theses eandem materiam tractantes inhibebantur. Quod circa publicationem & executionem Bullæ istius variæ difficultates motæ fuerint: sed nunquam compertum fuerit illas ad impedendam executionem Bullæ sufficere. Quod nihil amplius super illas audire vellet; sed obedientiam & executionem exigeret. Quod Pontificiæ prohibitiones edendi scripta & disputationes de auxiliis emanavissent non sine magna necessitate, & cognitione causæ. Quod Clemens VIII. & Paulus V. post multum laboris, temporis, ac studii circa materiam istam impensi, post congregatos plures Theologos præstantissimos qui isti rei plurimum incubuerant, tandem nihil aliud efficere potuerint, quam simpliciter utrique parti silentium imponere. Quod expediret illud observare, & non innovare nunc veteres illas controversias, quæ tunc terminari non potuerunt: & consequenter non petere statui novam Congregationem de Auxiliis. Quod quantum ad Doctrinam Sancti Augustini, illa proculdubio sequenda & amplectenda foret in Ecclesia, quemadmodum in singulari semper æstimatione & veneratione habitæ fuerat, sed quod

quod quæreretur quinam illi sint, qui doctrinam illam revera sequuntur. Sant. loco citato.

IX. 23. Feb. 1652. Galli supra dicti Summo Pontifici per Legatum Regis Galliae, libellum obtulerunt, in quo inter cætera declarabant, 1. Se tantum impugnare gratiam sufficientem Molinisticam libero arbitrio subjectam. 2. Se super materia 5. propositionum solummodo sustinere gratiam efficacem. 3. Se non suscepisse defendendum librum Jansenii: *Diarii p. 4. c. 4.* Et mense Martio singulos Cardinales visitarunt, omnesque S. Officii Consultores & Qualificatores, quibus suæ legationis argumentum, Adversariorum suorum artes exposuerunt, uti refertur ibidem *c. 5. & 6.*

X. 4. Maii narratur Santamoreo Generalem Dominicanorum accessisse Suam Sanctitatem, eique libellum exhibuisse quo supplicabat ut ante omnia, tractatio de Auxiliis resumeretur, incipiendo ab illo statu, in quo per Paulum V. relicta fuit: Suam Sanctitatem respondisse quod materiam de Auxiliis prorsus intactam relinquere veller: & idem quoque Generali Augustinianorum significavisse *p. 4. c. 10.*

XI. 24. Maii Romam adventant DD. Hallier, Lagault & Joyfel, qui se dicebant ab 80. Episcopis Gallis esse deputatos ad sollicitandum iudicium S. Sedis super 5. propositionibus. *Ib.*

XII. 11. Julii declaratur Santamoro ejusque Collegis, quod Sanctissimus Dominus instituerit Congregationem pro 5. propositionum examine petitam, & constantem his Cardinalibus, Roma, Spada, Ginetti, Cechinni, & Chisi, (qui postea fuit Alexander VII) *p. 5. c. 1.* Ideoque præfati Doctores scripta duo conficiunt: alterum in quo continebatur illud totum quod in 5. Propositionum negotio contigerat à prima Julii 1649. usque 11. Julii 1652. & in quo deinde perebatur ut ante omnia 5. Propositiones in varios sensus distinguerentur, videlicet in sensum Augustinianum & sensum erroneum: & ut sex propositiones pro autoritate & doctrina S. Augustini ibidem exhibitæ, ab omnibus admitterentur. Alterum verò scriptum priori longè prolixius, intitulatum erat, universæ Ecclesiæ traditio super autoritate Doctrinæ S. Augustini. *Ib. c. 7.*

XIII. 27. Januarii (1653.) introducti sunt in concessum tres Doctores Sorbonici,

bonici, Dominus Hallier Syndicus Universitatis, & Dominus Lagault, & D. Joytel, & jussi sunt sedere in medio Consultorum.... Dominus Hallier peroravit eruditè & ferventer contra doctrinam Jansenii & sequacium. 2. Multa dixit contra eorum mores & vitam. 3. Alia addidit, præsertim ex iis quæ fecerunt Parisiis contra Hibernos & Sorbonam, provocantes ad Parlamentum. Et demum instanter rogavit ut Propositiones istæ condemnarentur. Hæc referuntur in *Relatione Brevis Waddingi* ab Authore *Defensionis Ecclesie Romane* productâ, & in *Panegyri* laudatâ.

XIV. 14. Februarii ejusdem anni Cardinalis Chisius Santamoreo objecit, quòd etiam si Sua Sanctitas ei Sociisque ejus ab initio declarasset nolle se ulatenus ingredi materiam de Auxiliis, nihilominus prima ipsorum Scripta directè ad materiam illam tenderent. Hæc Santamoreus p. 6. c. 7. qui respondit non posse rectè judicari de 5. Propositionibus nisi ista materia discutatur, & se suosque Socios sperare, quòd Pontifex hujus discussionis necessitatem in progressu agnitus esset. Sant. *ib.* Et similiter ubi Cardinales indicabant quòd
5. Pio-

5. Propositiones qualificare intenderent secundum seipsas sive secundum terminos, quibus constant, abstrahendo à sensu unius vel alterius, significabant præfati Doctores se non curare Propositiones illas in abstracto, id est sine distinctione sensuum: sed attendere fundum doctrinæ quæ Propositionum occasione controvertebatur. Sant. locis infra in 3. objectione referendis.

XV. 10. Martii 1653. Pontifex in prima Congregationum coram Sua Sanctitate habitatum apertè declaravit se nolle ut ullum omnino præjudicium creetur doctrinæ SS. Augustini & Thomæ. Santamoreus p. 6. c. 13.

XVI. 4. Maii Pater Desmares & D. Manessier, qui (Dño Brousse propter ægritudinem in Galliam reverso) Dominis Lalane, St. Amour, & Angran subsidio venerant, apud Pontificem instare perrexerunt, ut præsentæ Parte suâ audirentur in iudicio contradictorio, & Scripta communicarentur: sed frustra; cum Pontifex sine disputationibus, quæ in infinitum protrahi potuissent per Theologos undequaque Romam accedentes, consideret redditurum se pacem Ecclesiæ, diceretque perperam ipsos sup-

G

ponere

ponere quòd haberent partem sibi oppositam, adderetque minimè necessariam esse disputationem cum illis quos partem suam vocabant, quippe cùm non ageretur de instituenda lite: sed tantummodò de qualificandis quibusdam Propositionibus: seque nihilominus ipsos auditurum sine parte & sine disputatione. Quamobrem omnes antedicti Deputati se Pontifici sistere decreverunt, dum ipsi placeret illos accersitos audire, nullà parte præsente. *Sant p 6 c. 18.*

XVII. Interea Generalis Dominicanorum in patronum adscito Principe Justiniano Pontificis & suo consanguineo persæpe conatus est Sææ Sanctitati Memoriale cum adjunctis quibusdam Scriptis hanc causam concernentibus exhibere; sed frustra: hujusque repullæ hæc erat ratio, quam tacitam præterit Author Prologi Panegyreos *pag 31.* & quam refert Santamoreus *p. 6. c. 20.* nempe quòd eadem Sanctitas vellet eandem causam definire non ingrediendo materiam de Auxiliis.

XVIII Prædicti verò Deputati paucis post diebus quinque scripta parare cœperunt: *Ib. c. 21.* Quorum primum continebat centum & aliquod propositiones

Historia brevis.

51

tionem è libris Jesuitarum extractas, & authoritati S. Augustini contrarias. Secundi titulus erat: *Brevissima 5. Propositionum in varios sensus distinctio*. Tertium fuisse probabat efficacis gratiæ necessitatem. Quarti scopus erat exponere, & per traditionem Ecclesiæ probare prætentum verum & Catholicum primæ propositionis sensum, rejectis alijs ejusdem propositionis sensibus erroneis. Quinto explicabantur sexaginta circiter Augustini loca ab Hallerio, Legault & Joytel producta contra primam propositionem: & unà defendebatur Jansenius super eo quod contenderetur rejicere quamcumque gratiam sufficientem. *Sant. ibidem*. Videri etiam potest pag. 110. Collectaneorum.

XIX. 19. Maii 1653. quinque supradicti Deputati coram Pontifice, Cardinalibus, & Consultoribus comparuerunt, & D. De Lalane per horam integram disseruit super *Brevissima 5. Propositionum in varios sensus distinctio*: quod Scriptum etiam tunc verbotenus legit, Santamoro testè p. 6. c. 22. ac super reliquis quatuor Scriptis per sesqui horam dixit, p. 6. c. 23. Deinde etiam per sesqui horam peroravit P. Desmares.

Ac tandem antedicta 5. Scripta, cum libello ſupplice ſcopum illorum aperiente, Suæ Sanctitati tradiderunt. *Ib c. 22.*

Celebre verò ſcriptum iſtud, *Breviſſima 5. Propositionum &c.* ſicuti videre eſt in Diario & in Panegyri, continebat pro unaquaque 5. Propositionum, tres columnas, in quarum prima ponebatur ſenſus hæreticus: in ſecunda ſenſus pro-
 poſitionis prout ab ipsis defendebatur: in tertia ponebatur propoſitio contraria, ut ab Adverſariis defendi dicebatur. Et ſic pro prima propoſitione ponebatur hic ſenſus hæreticus: "Juſtis omnibus
 "quantumlibet volentibus & conanti-
 "bus ſecundum præſentes quantalcum-
 "que vires quæ à gratia magna & effica-
 "ce habentur, mandata Dei ſunt impoſ-
 "ſibilia. Deſt quoque illis ſemper &
 "quamdiu vivunt gratia qua poſſint vel
 "unum ex mandatis Dei ſine peccato
 "adimplere. *Et ſubjungebatur.* "Hæc
 "propoſitio eſt hæretica, Calviniana aut
 "Lutherana, & à Concilio Trid. dam-
 "nata."

Pro ſecunda propoſitione ponebatur hic ſenſus hæreticus: "Interiori gratiæ
 "efficaci in ſtatu naturæ lapſæ eatenus
 "nunquam reſiſtitur, quatenus voluntas
 "ho-

"hominis respectu gratiæ efficacis me-
 "passivè se habet, & velut inanime quod-
 "dam nihil omnino agit, nec coopera-
 "tur nec liberè assentitur." *Et subjun-*
 "*gebatur.* Hæc propositio est hæretica,
 "Calviniana, Lutherana, & à Concilio
 "Trid. damnata." *Deinde pro eadem 2.*
propositione addebatur hic sensus erroneus:
 "Interiori gratiæ sumptæ pro simplici
 "quadam illuminatione intellectus &
 "suasione voluntatis in statu naturæ lap-
 "sæ nunquam resistitur." *Item alius sen-*
sus erroneus: "Interiori gratiæ Christi,
 "cum adhuc parva est, & dat tantum
 "voluntatem inchoatam, in statu naturæ
 "lapsæ nunquam resistitur, quantum ad
 "effectum interiorem ad quem dispo-
 "nit."

Pro tertia propositione ponebatur
 hic sensus hæreticus: "Ad merendum
 "& demerendum in statu naturæ lapsæ
 "non requiritur in homine libertas à ne-
 "cessitate naturali, qualis etiam reperi-
 "tur in motibus indeliberatis, sed suffi-
 "cit mera libertas à coactione." *Et sub-*
jungebatur: "Hæc propositio hæretica
 "est, Calviniana aut Lutherana."

Pro quarta propositione ponebatur
 hic sensus hæreticus: "Gratia Christi

"præveniens talis est ut liberum arbitrium hominis ab ea motum & excitatum non possit dissentire si velit. Ali-
 "ter dicere semipelagianum est." *Et sub-*
jungebatur: "Hæc propositio est hære-
 "tica, Calviniana aut Lutherana, & à
 "Concilio Trid. damnata."

Pro quinta propositione ponebatur hic sensus hæreticus: "Christus mor-
 "tuus est tantummodo pro prædestina-
 "tis, ita ut ii soli per meritum mortis
 "Christi veram fidem ac justitiam acci-
 "piant." *Et subijungebatur*: "Hæc pro-
 "positio est Hæretica, Calviniana aut
 "Lutherana, & à Concilio Trid. dam-
 "nata. Hæc ibi.

XX. Quibus conformia sunt illa quæ de
 prædicta solemnè audientia in antedicta
 brevi relatione Lucæ Waddingi refe-
 runtur his verbis: "XXXVI. Con-
 "gregatio, sed XI. coram Sanctissi-
 "mo die Lunæ, 19. mensis Maii.
 "Adfuerunt omnes, præter Cardina-
 "lem, Cechinum. Introducti sunt
 "quinque Presbyteri Galli Sorbonici,
 "qui partes tuebantur Jansenii. Pri-
 "mus qui cœpit perorare Abbas de La-
 "lane, incepit à gravitate materiæ: De-
 "inde processit ad laudes S. Augustini,
 "ejusque

" ejusque inculcandam auctoritatem, in
 " materia præsertim de Gratia, magno-
 " que ardore retulit multas Propositiones à PP. Jesuitis, præsertim à P. A-
 " damo in libro nuper Parisiis excusò,
 " contra S. Augustini doctrinam, vel
 " scriptas vel prolatas. Demum ad ex-
 " plicandos vel distinguendos varios sen-
 " sus quinque Propositionum descendit,
 " & in quo sensu ab ipso, à sociis, aliis-
 " que sibi adhærentibus defendebantur,
 " explicavit. In sensu Hæreticorum do-
 " cuit esse Calvinianas aut Lutheranas.
 " In sensu Jesuitarum contendebat esse
 " Pelagianas. In sensu altero ab ipsis in-
 " tento, de gratia per se efficaci, dice-
 " bat esse catholicas. Monuit demum
 " instantiam Episcoporum Gallix non
 " esse, ut absolutè illæ Propositiones
 " condemnarentur; sed ut, distinctis &
 " declaratis variis intelligentiis, in mala
 " condemnarentur, in bona approba-
 " rentur. Secundo loco locutus est D.
 " Desmares Doctor Sorbonicus" (*non*
Doctor Sorbonicus, sed Gallicani Oratorii
Presbyter, ait author Defensionis Ecclesiæ
Romanæ) " insignis Concionator, qui
 " longissimo discursu voluit probare ex
 " 16. capitibus, gratiam ex se efficacem,
 " non

" non verò ex assensu liberi arbitrii, ne-
 " que ab illo ad nutum dependere: ince-
 " pitque 1. ab orationibus Ecclesiæ, in
 " quibus conabatur ostendere, semper
 " inculcari gratiam ex se efficacem. Di-
 " xit autem valdè prolixè, modo con-
 " cionatorio, semper hærens in 1. ca-
 " pite; & dum ad 2. perveniret, su-
 " pervenerunt noctis tenebræ, ita ut dissi-
 " solvi oporteret Congregationem. Illi
 " autem processerunt ad pedes Sanctissi-
 " mi Domini, obtulerunt ei varia Scri-
 " pta & Libros in suæ causæ patroci-
 " nium, quos benignè auditos Sua San-
 " ctitas dimisit, post quatuor horas tæ-
 " diosæ sessionis.

" Tandem Sua Sanctitas, longâ &
 " maturâ præmissâ cum Dominis Cardi-
 " nalibus Sacræ Congregationis discus-
 " sione, Constitutionem edidit, in qua
 " singulas has Propositiones variis affe-
 " ctas censuris condemnat." Hæc ibi.

XXI. Itaque anno 1653. pridie Ka-
 lendas Junii emanavit Innocentii X. Bul-
 la 5. Propositionum condemnatoria,
 quæ sic incipit: " Cùm occasione im-
 " pressionis Libri cui titulus Augustinus
 " Cornelii Jansenii Episcopi Iprensis,
 " inter alias ejus opiniones orta fuerit
 " præ-

"præsertim in Galliis, controversia su-
"per 5. ex illis, complures Galliarum E-
"piscopi apud Nos institerunt, ut eas-
"dem Propositiones Nobis oblatas ex-
"penderemus, ac de unaquaque earum
"certam & perspicuam ferremus senten-
"tiam.

"Tenor verò præfatarum Proposi-
"tionum est prout sequitur.

"Prima: Aliqua Dei præcepta homi-
"nibus justis volentibus & conantibus
"secundum præsentem quas habent vires,
"sunt impossibilia, deest quoque illis
"gratia, quâ possibilia fiant.

"Secunda: Interiori gratiæ in statu
"naturæ lapsæ nunquam resistitur.

"Tertia: Ad merendum & deme-
"rendum in statu naturæ lapsæ non re-
"quiritur in homine libertas à necessi-
"tate, sed sufficit libertas à coactione.

"Quarta: Semipelagiani admitte-
"bant prævenientis gratiæ interioris ne-
"cessitatem ad singulos actus, etiam ad
"initium fidei; & in hoc erant Hære-
"tici, quòd vellent eam gratiam talem
"esse, cui posset humana voluntas resi-
"stere, vel obtemperare.

"Quinta: Semipelagianum est dice-
"re Christum pro omnibus omnino ho-

"minibus mortuum esse, aut sanguinem
"fudisse."

Et infra : " Tandem (ait Pontifex)
" Divino Numine favente ad infra-scri-
" ptam devenimus declarationem & de-
" finitionem.

" Primam prædictarum Propositio-
" num... temerariam, impiam, blas-
" phemam, anathemate damnatam, hæ-
" reticam declaramus, & uti talem dam-
" namus.

" Secundam... hæreticam declara-
" mus, & uti talem damnamus.

" Tertiam... hæreticam declaramus,
" & uti talem damnamus.

" Quartam... falsam & hæreticam
" declaramus, & uti talem damnamus.

" Quintam falsam, temerariam,
" scandalosam, & intellectam eo sensu,
" ut Christus pro salute dumtaxat præ-
" destinatorum mortuus sit, impiam,
" blasphemam, contumeliosam, Divinæ
" pietati derogantem, & hæreticam de-
" claramus, & uti talem damnamus."

Et infra : " Non intendentes tamen
" per hanc declarationem & definitio-
" nem super prædictis 5. propositionibus
" factam, approbare ullatenus alias opi-
" niones quæ continentur in prædicto li-
" bro Cornelii Jansenii." Unde

Undè manifestum est. 5. propositiones ibi non damnari in sensibus hæreticis ante assignatis, sed damnari juxta suum tenorem, nec non in sensu Janse-
nii, seu libri ejus: sicuti fusiùs explica-
bitur in Responsione ad ultimam obje-
ctionem.

XXII. Santamoreus autem de se suis-
que Collegis loquens sic ait Diarii sui p.
6. c. 21. "Constitutione editâ, simpli-
"citer acquievimus propositionum ab-
"solutæ condemnationi, ita ut postea
"nullum bonum sensum illis assignave-
"rimus, nec illas ullo modo aut ullo præ-
"textu sustinuerimus." Ita ille, nec im-
meritò: nam (ait Auctor ab eodem San-
tamoreo in collect. pag. 77. productus)
"contra opinionem Magistri S. Palatii
"qui ante Constitutionem existimaverat
"primam propositionem in sensu gra-
"tiæ efficacis accipi posse, sic illam in-
"terpretandam non esse judicavit Sum-
"mus Pontifex, cujus judicio Christia-
"nus orbis assensus est. Efficacis ergo
"gratiæ sensum damnatæ propositionis
"verbis exprimere nefas est post Consti-
"tutionem." Et præterea Santamoreus
p. 6. c. 21. dicit propositiones in suo na-
turali, litterali, & rigoroso verborum
sensu esse damnatas. Qui-

Quibus non obstantibus, & non obstante pariter eo quod Paulus Irenæus *disq.* 1. 2. 1. apud Santamoreum in *Collectaneis* pag. 188. sic scripserit Anno 1657. *Omnes ad unum Catholici istas propositiones proscribunt & quidem in proprio verborum sensu*; quibus, inquam, non obstantibus, plures etiam post Constitutionem palam affirmârunt 5 propositiones non esse damnatas in sensu Jansenii, & in ejus libro non reperiri: quinimò videtur quod illorum aliqui, etiam post Constitutionem existimârint sufficere quod damnarent 5. propositiones juxta sensus hæreticos ipsis attributos in primis columnis præfati scripti *distinctianis sensuum*: adeo ut tam non damnarent 5. propositiones juxta suum tenorem; juxta quem illas damnaverat S. Sedes, quam non damnarent juxta sensum Jansenii, juxta quem etiam illas damnaverat eadem S. Sedes: sed solummodo damnarent propositiones à 5. famosis quoad sensum rêvera diversas: prout videre est has quinque conferendo cum quinque aliis primarum columnarum sensus hæreticos exprimentibus. Atque ita si non malitiosâ, quod piè credendum est, saltem verâ propositionum permutatione, fidei

fidei definitiones eludebantur. Idque profectò nonnumquam ita contigisse, credibilius ex eo redditur, quod etiam modò quidam Scriptor Prologi Panegy-
reos pag. 67. optet primæ propositionis sententiam hunc ab omnibus Christi fidelibus reprobandum explicari. "Ali-
qua Dei præcepta justis omnibus vo-
lentibus & conantibus secundum præ-
sentis vitæ vires sunt absolutè impos-
sibilia, deest quoque iisdem gratia qua
possibilia fiant." *Hunc secundæ:* "In-
teriori gratiæ, utpote liberum arbi-
trium necessitanti, seu violentiam ad-
ferenti, numquam resistitur." *Hunc*
tertiæ: "Ad merendum & demerendum
in statu naturæ lapsæ non requiritur
in homine libertas à necessitate natura-
li, qualem in brutis cogitamus, sed suf-
ficit libertas à coactione." *Hunc quar-
tæ:* "Semipelagiani in hoc erant hære-
tici quod vellent gratiam talem esse ut
voluntas non posset ab illa, utique vio-
lentiam adferente, dissentire si vellet."
Et quinta hunc. "Semipelagianum est
dicere, Christum sive voluntate divi-
nâ quam antecedentem vocant, sive
desiderii cujusdam humana, pro om-
nibus omnino hominibus mortuum
esse

„esse aut sanguinem fudisse.”

Porro consideranti patet illas 5. propositiones quoad sensum omnino differre à quinque famosis, adeo ut qui illas damnat, non ideo damnet quinque famosas, nempe (prout à S. Sede damnatae sunt) juxta suum tenorem, sive juxta sensum obvium quem ipsamet propositionum verba præ se ferunt. Ac proinde agitur hic de famosarum quinque propositionum hæresibus: & non tantum de eo quod vocant Factum Jansenii controversum; id est non tantum de eo, an ille sensus obvius quem ipsamet 5. propositionum famosarum verba præ se ferunt importetur, nec ne, in libro Jansenii. Et consequenter agitur, prout dictum est, de sensu obvio quem ipsamet 5. propositionum verba præ se ferunt, & quem S. Sedes sensum Jansenii vocat, quique non planè convenit cum sensu Lutherano aut Calviniano per Concilium Trid. damnato. Unde etiam verum non est quod apud Santamoreum invenitur, *p. 7. c. 2.* & à Scriptore Prologi Panegyreos *pag. 35.* comprobatur, nimirum per damnationem 5. propositionum renovari dumtaxat damnationes per Concilium Tridentinum jam pri-
dem

dem factas adversus sensum Lutheranum aut Calvinianum: sed econtra verum est quod ab Innocentio X. damnatæ sint hæreses de novo erumpentes: etiamsi per hoc non sit inductum jus novum. Nam quod ibidem dicitur apud Santamoreum, & in dicto Prologo, verbum *Declaramus* non inducere jus novum; nihil continet huic casui proprium, quandoquidem habeat locum in damnatione cujuscumque hæreseos: non enim Ecclesia aut Sedes Apostolica propositionem ullam damnat ut hæreticam, nisi per sententiam Verbi Divini scripti vel traditi declaratoriam; idque sive utatur verbo *Declaramus*, sive non. Quod autem apud eundem Santamoreum dicto loco additur vocem *Declaramus* indicare quod non importetur nova censura, subsistere non potest: nam evidens est quod nova declaratio qua propositio declaratur hæretica, novam censuram importet, licet non jus novum. Et hæc interserta sint ad sequentium elucidationem.

XXIII. 28. Martii 1654. Cardinales, Archiepiscopi & Episcopi Parisiis congregati Romano Pontifici hæc inter alia scripsere: "Clerici numero pauci
"quinque propositiones proscriptas
"dam-

"damnare se quoque profitentur : sed a-
 "lio planè sensu quam qui à Jansenio
 "traditus & explicatus est: ad quem pro-
 "positiones illas nullatenus pertinere
 "constantissimè asserunt.... Quare nos
 "in hac Urbe Parisiensi congregati cen-
 "suimus, & per Epistolam encyclicam
 "his litteris adjunctam declaravimus
 "propositiones illas & opiniones esse
 "Cornelii Jansenii, & in sensu ejusdem
 "Jansenii à Sanctitate Vestra damnatas
 "disertis & manifestis verbis." Ita illi.
 Quam declarationem factam esse *sur les*
pieces produites de part & d'autre testa-
 tur Congregatio Provincialis Episcopo-
 rum Provinciæ Parisiensis habita hoc
 anno 1699. 13. Maii.

Innocentius autem X. supradictis E-
 piscopis hæc inter alia rescripsit 29.
 Sept. ejusdem anni 1654. "Jucundum
 "sanè accidit probari Nobis luculentius
 "vestræ pietatis zelum in iis partibus ob-
 "eundis, quas Nos omnibus Pastoralis
 "officii Administris injunximus, ut qua
 "par est obedientia, ubique servari enixè
 "curent Constitutionem nostram, qua
 "die 31. Maii 1653. *Damnavimus in 5.*
propositionibus Cornelii Jansenii doctri-
nam ejus libro contentam, cui titulus
"Augustinus." XXIV.

XXIV. Interea, videlicet ante præfatum Breve, idem Pontifex ediderat sequens Decretum:

Feriâ V. die 23. Aprilis 1654.

"In Congregatione Generali S. Romanæ & Universalis Inquisitionis &c.

"SS. D. N. Innocentius Papa X. post
,,condemnatam suâ Constitutione edita
,, pridie kal. Junii anni Incarnationis
,, Dominicæ 1653. in 5. propositionibus
,, Augustini Cornelii Jansenii Episcopi
,, Iprensis doctrinam, ne occasione
,, doctrinæ prædictæ in mentes Christi
,, fidelium aliquod dubium vel error irrep
,, repat, eundem Augustinum Cornelii
,, Jansenii... iteratò una cum aliis infra
,, scriptis libris, prohibet & damnat &c."

Inter istos autem alios libros inveniuntur sequentes: "Rationes ob quas
,, Illustrissimus & Reverendissimus D.
,, Archiepiscopus Mechliniensis à promulgatione Bullæ quâ proscribitur li
,, ber cui titulus, Cornelii Jansenii Episcopi
,, Iprensis Augustinus 1649. quo
,, cumque idiomate impress.

"Raisons pour lesquelles on n'a trouvé
,, convenir de publier au Diocèse de
,, Gand avec la solennité accoutumée,
,, certaine Bulle contre le livre du de-

„ sunt Evesque d'Ipre Jansenius, repre-
 „ sentées par Monseigneur le Reveren-
 „ dissime Evesque de Gand 1649.

„ Defensio Belgarum contra evoca-
 „ tiones causarum & peregrina judicia,
 „ 1. 2. seu alterius editionis.

„ Jus Belgarum circa Bullarum Pon-
 „ tificiarum receptiones, 1. 2. seu alte-
 „ rius editionis.

„ Brevissima 5. propositionum in va-
 „ rios sensus distinctio, apertaue de iis
 „ tum Calvinistarum, tum Lutherano-
 „ rum, tum Pelagianorum & Molinista-
 „ rum, tum S. Augustini, ejulque Dis-
 „ cipulorum sententia. Sive typis, sive
 „ scripto extet." Et ibidem infra hæc
 adduntur.

„ Cæterum cùm tam Romæ quàm
 „ alibi circumferantur quædam asserta
 „ Acta, manuscripta, & forsàn typis ex-
 „ cusa, Congregationum habitatum co-
 „ ram fel. recordat. Clemente VIII. ac
 „ Paulo V. super quæstione de Auxiliis
 „ divinæ gratiæ, tam sub nomine Fran-
 „ cisci Pegnæ olim Rotæ Romanæ De-
 „ cani, quàm Fratris Thomæ de Lemos
 „ Ordinis Prædicatorum, aliorumque
 „ Prælatorum & Theologorum, qui, ut
 „ asseritur, prædictis interfuerunt Con-
 „ gre-

„gregationibus, nec non quoddam au-
„tographum sive exemplar cuiusdam
„assertæ Constitutionis ejusdem Pauli
„V. super definitione prædictæ quæstio-
„nis de Auxiliis, ac damnationis sen-
„tentiæ seu sententiarum Ludovici Molinæ
„Societatis Jesu: eadem Sanctitas
„Sua præsentì hoc Decreto declarat ac
„decernit prædictis assertis Actis tam
„pro sententia Fratrum Ordinis S. Do-
„minici, quàm Ludovici Molinæ alio-
„rumque Societatis Jesu Religiosorum,
„& autographo sive exemplari prædi-
„ctæ assertæ Constitutionis Pauli V.
„nullam omnino esse fidem adhibendam,
„neque ab alterutra parte, seu à quocum-
„que alio allegari posse, vel debere, sed
„super quæstione prædicta, observanda
„esse Decreta Pauli V. & Urbani VIII.
„suorum Prædecessorum.”

XXV. 2. Septembris 1656. Congre-
gatio Generalis Cleri Gallicani Alexan-
dro VII. inter alia scripsit. ” Nos sanè
„qui à Christo Domino in partem solli-
„citudinis vocati sumus, ministerio no-
„stro id egimus superioribus annis, apud
„F. M. Innocentium X. ut Constitutio-
„nem ederet qua motus in Gallis exci-
„tati ob Jansenii Iprensis quondam E-

„piſcopi doctrinam certis capitibus
„comprehenſam, compescerentur. Pro-
„mulgatum à Gallicanis Episcopis De-
„cretum ſtudioſè amplexi ſunt fideles
„populi, demptis paucis, qui de Janſe-
„nii doctrina nihil conſtitutum fuiſſe
„palam cùm ſimularent, intimis animo-
„rum ſenſibus ex illius damnatione ure-
„bantur. Horum cavillationes ſine mo-
„ra comprimendas rati, iudicio ſuo de-
„creverunt Religioſiſſimi Episcopi,
„quinque propoſitiones illas ad Janſe-
„nium pertinere, ejuſque opinionèſ fuiſ-
„ſe proſcriptas. Quam ſuam ſententiam
„cùm retuliſſent ad eundem Pontificem
„Maximum, illam humaniſſimis verbis
„non ſolum probavit, ſed auctoritatis
„Apoſtolicæ pondere de integro con-
„firmavit ... præterea ut (*illi pauci præ-*
„*dicti*) à capitibus ſuis fulminis Apoſto-
„lici amoliantur ictum (licet obfirmato
„animo, quinque propoſitiones Janſenio
„iterum abjudicent) ad facti quæſtio-
„nem in qua Eccleſiam falli poſſe do-
„cent, controverſiam deducere nitun-
„tur..... & celeberrimum B. Augu-
„ſtini nomen obtendunt, cujus doctri-
„næ ſe profitentur eſſe ſectatores, repu-
„diato etiam ſi res eorum ita ferant, ip-
„ſo Janſenio. Hujus tamen pravæ &

„detortas, quas ad Doctoris egregii lo-
„cos adhibet, interpretationes ample-
„ctuntur.”

XXVI. Eodem anno 1656 17. Kal.
Nov. Emanavit Alexandri VII. Consti-
tutio *Ad sacram*, in qua sic loquitur Pon-
tifex: ”Cum, sicut accepimus, nonnul-
„li iniquitatis filii prædictas 5. Proposi-
„tiones vel in libro ejusdem Cornelii
„Jansenii non reperiri, sed fictè & pro
„arbitrio compositas esse, vel non in
„sensu ab eodem intento damnatas fuis-
„se, asserere magno cum Christi fide-
„lium scandalo non reformident. Nos
„qui omnia quæ in hac re gesta sunt,
„sufficienter & attentè perspeximus,
„utpote qui ejusdem Innocentii Præde-
„cessoris jussu, dum adhuc in minoribus
„constituti, Cardinalis munere funge-
„remur, omnibus illis congressibus in-
„terfuimus, in quibus Apostolica au-
„thoritate, eadem causa discussa est eâ
„profectò diligentîâ, quâ major deside-
„rari non posset; quamcumque dubita-
„tionem super præmissis imposterum
„auferre volentes, ut omnes Christi fi-
„deles in ejusdem fidei unitate sese con-
„tineant, ex debito Nostri Pastoralis
„officii, ac matura deliberatione, præ-
„sertim Innocentii prædecessoris no-

„stri Constitutionem, declarationem &
 „definitionem harum serie confirma-
 „mus, approbamus & innovamus, &
 „5. illas Propositiones ex libro præno-
 „minato Cornelii Jansenii Episcopi I-
 „prensus cui titulus est Augustinus, ex-
 „cerptas ac in sensu ab eodem Cornelio
 „Jansenio intento damnatas fuisse defi-
 „nimus & declaramus, & uti tales, in-
 „iusta scilicet eadem singulis notâ quæ
 „in prædictis declaratione & definitio-
 „ne unicuique illarum sigillatim inuri-
 „tur, iterum damnamus, ac eundem li-
 „brum... damnamus itidem atque pro-
 „hibemus." Ita Alex. VII.

XXVII. Præterea sub eodem,

Feria V. die 6. Septemb. 1657.

"In Congregatione Generali S. Ro-
 „manæ & Univ. Inquisitionis &c. ema-
 „navit sequens decretum. " Quia circum-
 „feruntur quædam folia impressa anno
 „1657. quorum titulus est, *Tredecim*
 „*Theologorum ad examinandas 5. Propo-*
 „*sitiones ab Innocentio X. selectorum suf-*
 „*fragia, seu ut appellant, vota Summo*
 „*Pontifici scripto tradita*, eadem Sancti-
 „tas Sua præsentî hoc Decreto illa pro-
 „hibet, & declarat ac decernit, iis tan-
 „quam apocryphis nullam fidem esse
 „adhibendam, nec à quocumque alle-

„gari posse, vel debere.” *Et infra.*

„Cum... in lucem procedant plures
„libri continentes & tractantes mate-
„riam de Auxiliis, nullâ prorsus petitâ,
„vel obtentâ licentiâ ab hac Sacra Con-
„gregatione, contra formam Decreto-
„rum Pauli V. & Urbani VIII. Præde-
„cessorum suorum (quæ quatenus opus
„sit, Sanctitas Sua denuo confirmat,
„innovat, & immobiliter observari
„mandat, sub censuris & pœnis in eis-
„dem contentis) ideo illis inhærendo,
„dictos libros editos, & in futurum quo-
„modolibet edendos, absque eo quod
„fiat de illis specialis mentio, ipso facto,
„absque alia declaratione, pro expressè
„prohibitis haberi voluit & decrevit.”

Publicatum fuit antedictum Decre-
tum in Diocesi Mechliniensi, mandan-
te D. Archiepiscopo, 18. Feb. 1660.

XXVIII. Anno 1661. 1. Aug. idem
Alexander ad magnos Vicarios Cardinâ-
lis de Rets Archiepiscopi Parisiensis hoc
Breve misit. „Dilecti Filii salutem &
„Apostolicam benedictionem. Non si-
„ne magna profecto admiratione, justo
„animi dolore, quo paternâ viscera
„commoveantur, publicatum vestro no-
„mine die 5. Junii Anni hujus, Edictum
„per-

„perlegimus. In quo ſanè in primis non
 „minus temeraria quam mendaci narra-
 „tione profertur, tempore ſel. recordat.
 „Innocentii X. non aliud actum fuiſſe,
 „quam inquitum, an propoſitiones
 „illæ quinque de gratia veræ & Catholi-
 „cæ, an potius falſæ & hæreticæ cen-
 „ſendæ forent. Cum eo planè tempore
 „nedum de propoſitionibus ipsis cogni-
 „tio habita fuerit, *verum quod è Janſe-*
 „*nii libro Auguſtinus nuncupato extractæ*
 „*effent*, & ita in ſenſu ab eodem Janſenio
 „intellectæ damnatæ: ut nos ipſi Con-
 „ſtitutione noſtra 17. Kal. Nov. 1656.
 „luculenter expreſſe declaravimus &c.

XXIX. 15. Kal. Martii 1664. idem
 Pontifex novam Conſtitutionem edidit
 in qua hæc inter alia præfatur: " Corne-
 „lii Janſenii hæreſim in Galliis præſer-
 „tim ſerpentem, ab Innocentio X. fe-
 „licis recordationis Prædeceſſore No-
 „ſtro ferè oppreſſam, ad inſtar colubri
 „tortuoſi, cujus caput attritum eſt, in
 „varios gyros & cavillationum defluxus
 „euntem, ſingulari Conſtitutione ad
 „hunc finem edita, altero aſſumptionis
 „noſtræ anno extingueri conati fuimus.
 „Sed ut multiplices hoſtis hominum ge-
 „neris artes adhibet, nondum plene con-
 „ſequi

„sequi potuimus, ut omnes errantes in
„viam salutis redirent.” Et infra sic ait:
„Formulam infrascriptam ab omnibus
„Ecclesiasticis etiam Venerabilibus Fra-
„tribus nostris Archiepiscopis & Epif-
„copis, necnon aliis quibuscumque Ec-
„clesiastici ordinis, tam Regularibus
„quam Sæcularibus, etiam Monialibus,
„Doctoribus & Licentiatis, aliisque
„Collegiorum Rectoribus atque Ma-
„gistris subscribi districtè mandamus
„&c.

„Formula à supradictis subscribenda.

„Ego N. Constitutioni Apostolicæ
„Innocentii X. datæ die 31. Maii 1653.
„& Constitutioni Alexandri VII. datæ
„16. Octobris 1656. Summorum Pon-
„tificum me subijcio, & quinque pro-
„positiones ex Cornelii Jansenii ~~libro~~,
„cui nomen Augustinus, excerptas, &
„in sensu ab eodem Authore intento,
„prout illas per dictas Constitutiones
„Sedes Apostolica damnavit, sincero
„animo rejicio, ac damno, & ita juro.
„Sic me Deus adjuvet, & hæc Sancta
„Dei Evangelia”

XXX. Verum huic Formulæ sim-
pliciter subscribere renuerunt, præter
quosdam alios, quatuor Episcopi, nimi-

rum Andegavensis, Bellovacensis, Apamiensis, Aletensis, edicentes tamen se paratos esse subscribere distinguendo inter jus & factum; & illi fidem, huic reverentiam silentiumque præstando. Sed cum illa distinctio à Baronio, Bellarmino, aliisque usurpata, in nullo Pontificio aut Conciliari Canone adhibita reperiretur, noluit Pontifex illi auctoritatem afferre: neque passus est ullam distinctionem aut explicationem apponi, sed simplicem subscriptionem à præfatis Episcopis exigere perrexit; quam tandem circa initium anni 1669. præstiterunt, licet præviè in suis Synodis antedictam juris & facti distinctionem adhibuerint. Quapropter hoc Breve à Clemente IX. accipere meruerunt.

" Venerabiles Fratres salutem &c.

„ Venerabilis Frater Archiepiscopus
 „ Thebarum Nuntius istic noster misit
 „ ad Nos elapsis diebus Fraternitatum
 „ Vestrarum Epistolam, in qua cum
 „ ingenti obsequio Nobis & huic S. Sedi
 „ per vos debiti testatione significabatis,
 „ vos juxta præscriptum Litterarum A-
 „ postolicarum à felicis record. Præde-
 „ cessoribus Nostis Innocentio X. &
 „ Alexandro VII. emanatarum, *sincere*
 „ sub-

„ subscripsisse & subscribi fecisse Formula-
 „ rio in ejusdem Alexandri VII. litteris
 „ edito. Et si autem quædam de hac re
 „ secus circumlata, occasionem Nobis
 „ præbuerant in tam gravi negotio seriùs
 „ procedendi: nam dictorum Præde-
 „ cessorum Nostrorum Constitutioni-
 „ bus firmissimè inhærentes, *nullam cir-*
 „ *ca illud exceptionem aut restrictionem*
 „ *admissuri unquam fuissimus;* in præ-
 „ sens tamen, cum nova & gravia istinc
 „ acceperimus documenta verè & totalis
 „ obedientiæ vestræ, qua & *Formulario*
 „ *sincerè subscripsistis,* & damnatis abs-
 „ que ulla exceptione aut restrictione,
 „ 5. propositionibus in omnibus sensi-
 „ bus in quibus à Sede Apostolica dam-
 „ natæ fuerunt, alieni prorsus estis à re-
 „ novandis in hac re erroribus illis, qui
 „ ab eadem damnati sunt, tribuere vo-
 „ bis volumus hoc paternæ benevolen-
 „ tiæ nostræ argumentum &c.”

XXXI. Pariter quoque tunc Arnal-
 dus aliique Galli de Jansenismo infamati
 cum Clemente IX. Pontifice & cum
 Rege suo in gratiam redierunt. Sicuti
 etiam sub idem tempus, communioni
 fidelium & Ecclesiæ Sacramentis resti-
 tutæ sunt Moniales quæ propter recu-

fatam Formularii subscriptionem, illis per quadriennium destitutæ fuerant.

Causabantur autem (uti refert Scriptor Prologi Panegyreos pag. 46. & uti refertur in earum Apologus) quod ad ipsas non pertineret Advocato in testem Deo asseverare libro Latino (quem intelligere non poterant) per Episcopum doctrina ac pietate eximium, & in communione Ecclesiæ Catholicæ vita functum conscripto, ac doctissimorum virorum encomiis celebri, quinas capitales hæreses eo sensu quem Latinus iste Scriptor in mente sua habuit, comprehendendi. Addebant se inaudivisse quod res ista inter eruditos, atque inter ipsos Episcopos controverteretur. Rogarunt ergo Parisiensem Archiepiscopum suum ut debitam Superioribus reverentiam testari possent subscriptione hac: "In-
 „frascriptæ pollicemur in iis quæ fidem
 „attinent, submissionem & assensum
 „sincerum, & quoad factum, quando-
 „quidem nullum ejus per nos ipsas no-
 „titiâ haurire valeamus, nullum for-
 „mamus judicium: sed nos continemus
 „in obsequantia & silentio, quæ statui
 „nostro ac conditioni conveniunt." Ita Scriptor antedictus.

Verum

Verùm profectò satius fuisset has Virgines ab illis à quibus præcedentia acceperant, ad simplicem Decretorum S. Sedis obedientiam institutas fuisse, atque ab iisdem didicisse sequentia. I. Quòd in Apostolica Bulla, cujus executionem urgebat Archiepiscopus, Summus Pontifex disertè sic loqueretur: "Formulam infra scriptam ab omnibus „Ecclesiasticis etiam Venerabilibus „Fratribus nostris Archiepiscopis & Episcopis, *necnon aliis quibuscumque Ecclesiastici Ordinis*, tam Regularibus „quàm Secularibus, *etiam Monialibus*, „Doctoribus & Licentiatís, aliisque „Collegiorum Rectoribus atque Magistris subscribi disertè mandamus."

II. Quòd ad illud ulque tempus, inauditum esset Formulæ fidei ab Apostolica Sede vel à Concilio præscriptæ quemquam permissum subscribere non simpliciter, sed cum distinctione (idem est de juramento, aut promissione, aut asseveratione, cujus interventu recipienda erat ejusmodi formula, aut Canon Ecclesiasticus) Et quòd pariter Ecclesia neutiquam juris & facti distinctionem adhibuerit in suis Canonibus concernentibus fidei dogmata simul & facta, ut vo-

cant, etiam controversa: uti manifestum est legenti responsionem infra positam ad 5. objectionem *de distinctione juris & facti*. III. Quòd S. Sedes ex litteris Episcoporum suprà relatis & aliunde pridem intellexisset inter plures Eruditos esse controversum illud quod vocabant factum Jansenii: & meminisset se Libri Janseniani lecturam inhibuisse, abundeque sciret inter viros etiam Ecclesiasticos tam Seculares quàm Regulares in Bulla præfata memoratos, reperiri plurimos qui per se judicare non valerent an in Libro Jansenii, grandi & ad intelligendum operoso, continerentur 5. famosæ Propositiones, saltem quoad sensum (compertum enim erat non omnes ibi totidem præcisè verbis contineri) aut saltem qui per se sic certò judicare non valerent, ut juramento affirmare possent illas contineri. Et quòd nihilominus eadem S. Sedes dictam Formulam à quibuscumque Ecclesiastici Ordinis subscribi districtè mandaverit. IV. Quòd nullatenus verisimile sit Christum sic Ecclesiam deserere ut Fideles ejus innumeri per solemne Sedis Apostolicæ Decretum (Ecclesiæ Gallicanæ, cujus maximè intererat, expresso consensu,

alia-

aliarumque plurium Ecclesiarum consensu saltem tacito firmatum) pejerare cogerentur, &, velut ait dicti Prologi Scriptor *ib.* sese conjicere in apertum crimen tum mendacii perniciosissimi in re gravissima, tum calumniæ atrocis in excellentem Episcopum, tum profanationis Evangelii, ac temerationis Divini nominis.

Unde valde mirum est, quòd adhuc modò reperiatur Scriptor qui dictam formulam improbare audeat, & tanquam ad perjurium inducentem accusare, postquam illa præhabito examine valde maturo, & quidem utrâque parte informante, per moderni Pontificis Breve confirmata fuit, & Episcopis Belgii concessa: ac postquam eidem acquieverunt passim omnes illi qui antè restiterant. Ac proinde Scriptor ille jure merito de proprio judicio diffideret, Alexandrinæque Formulæ subscribere jussus, obediret, dicens Deo: Domine, si hæc subscriptio perjurium vel aliud peccatum est, à te pejerare vel aliter peccare jussi sumus. Hactenus de Gallia.

XXXII. Quod autem ad Belgium attinet: in illo, & signanter in Universitate Lovaniensi, quæ 5. Propositionum

num negotio non fuerat implicata, statim ac planè reverenter susceptæ fuerunt Innocentii X. & Alexandri VII. Constitutiones, respectivè datæ pridie Kal. Junii 1653. & 17. Kal. Nov. 1656. Deinde Facultas Theologica anno 1660 approbante Alexandro VII. præfato, omnibus gradum aliquem suscepturis præscripsit hanc Formulam : " Jurabis
 „ te quinque articulos per Constitutiones Summorum Pontificum Innocentii X. & Alexandri VII. damnatos
 „ damnare, iisdemque Constitutionibus
 „ religiosam observantiam præstare." Hocque juramentum in hodiernum usque diem viget : aiunt Theologi Belgæ suprâ dicti, in *Confutatione Libelli Hispanicè editi hoc titulo, Memorial al Rey &c.*

XXXIII. Cœpit autem præterea anno 1692. in Belgium introduci supradictum Alexandri VII. Formularium, & quidem cum hac explicatione. " Intentio Illustrissimi D. conformis intentioni Summorum Pontificum est. 1. Ut
 „ non tantum jures in reverentiam Constitutionum de quibus agitur in prædicta Formula, sed etiam in veritatem earum. 2. Ut non tantum jures in veritatem

„ritatem eorum quæ in prædictis Con-
„stitutionibus spectant ad quæstionem
„Juris, sed etiam in veritatem ejus, quod,
„ut loquuntur, spectat ad quæstionem
„facti ab Alexandro VII. definiti: hoc
„est, ut non solum jures te damnare
„quinque famosas propositiones in om-
„ni sensu hæretico quem habent; sed
„jures etiam te serio & sincerè illas dam-
„nare ut excerptas ex libro, cui titulus:
„Augustinus Cornelii Jansenii Iprensis,
„& in sensu à Jansenio intento, seu in
„prædicto ejus libro expresso.”

Sed aliquibus Alexandrinæ Formulæ,
præsertim cum addita explicatione, sim-
pliciter subscribere recusantibus, varia
provenire diffidia: quæ cùm Innocentio
XII. per Deputatos utriusque partis ex-
posita fuissent, scripsit idem Pontifex
Episcopis Breve datum 6. Feb. 1694. in
quo dictis Constitutionibus Innocentii
X. & Alexandri VII. confirmatis, ha-
bentur sequentia: “Præcipimus ut quem-
”admodum ii qui ad juramentum adi-
”gendi sunt, illud præstare debent sin-
”cerè absque ulla distinctione, restrictio-
”ne, seu expositione, damnando eas
”propositiones ex libro Jansenii excerptas
”in sensu obvio quem ipsamet propo-
”sitio.

"sitionum verba præ se ferunt, prout
"sensum illum damnarunt Summi Pon-
"tifices Prædecessores nostri, damna-
"tumque haberi voluerunt à Christi fi-
"delibus; ita per Fraternitates vestras
"ab iis qui Formulario præscripto sub-
"scribent ac juramentum præstabunt,
"præter formulam istam traditam, ver-
"baque in Constitutione Apostolica
"præscripta, quidquid aliud vel mini-
"mum declarationis, interpretationis,
"aut explicationis verbo vel scripto exi-
"gatur, etiam sub prætextu quod addi-
"tiones ad Nos transmissæ comprehen-
"dantur seu contineantur in Formula-
"rio Alexandri VII. Cæterum ad præ-
"cavendum omnes dissidiorum causas,
"quæ Christianam pacem dilacerant,
"Nos quoscumque alios sensus Formu-
"larii præter eum, quem ipsius verba
"exhibent, afferri vel usurpari, aut de
"his disputari interdiximus & prohibui-
"mus, ac super ejusdem Formularii in-
"terpretatione, sicut & prædictarum
"propositionum in alios sensus præter
"eum quem ipsa verba per se exhibent,
"perpetuum silentium imposuimus, ut
"ex nostris Decretis tam super ipso si-
"lentio, quàm super prohibitione om-
"nium

"nium librorum editorum & edendo-
"rum in hac materia plenius innotescet..
"Demum... injungimus ne ullâ ratione
"quemquam vagâ istâ accusatione & in-
"vidioso nomine Jansenismi traduci aut
"nuncupari sinatis, nisi prius suspectum
"esse legitimè constiterit, aliquam ex
"his propositionibus docuisse aut tenuis-
"se, nec quemquam sub hoc prætextu
"repelli ab officiis, muniis, beneficiis,
"gradibus, ac concionibus habendis,
"vel alia quacumque functione Ecclesia-
"stica permittatis, nisi servato juris or-
"dine, eam pœnam, quæ viris alioquin
"Catholicis gravissima est, commeruisse
"probatum fuerit."

XXXIV. Anno 1696. 24. Novem-
bris, dictus Innocentius XII. iisdem E-
piscopis misit alterum Breve, quod sic
sonat. "Litteras quas 19. Julii ad Nos
"dedistis, libenti animo accepimus, cum
"in illis vestras ad hanc S. Sedem præ-
"ces intellexerimus, quibus nostrum ju-
"dicium pro sana doctrina vestris in
"Diœcesibus regulanda postulatis. Ex
"iisdem autem litteris apertè deprehen-
"dimus mala quæ quoad Jansenismum
"exponitis, non procedere ex eo quod
"Brevi à Nobis 6. Feb. anni 1694. ad

"Vos dato, satis ipsis non sit consultum:
"sed potius quia idem Breve executioni
"fortasse, uti par esset, non mandetur,
"cum illud nulla prorsus indigeat expli-
"catione: aptumque sit, ubi in ipso præ-
"scripta adimpleantur, efficax atque op-
"portunum afferre remedium. Quod si
"prætensi Jansenistæ internè & absque
"eo quod deveniant ad ullum actum ex-
"ternum, dum jurant Formularium,
"non aliter damnent quinque Proposi-
"tiones, quam in sensu obvio, non habi-
"to respectu obvii sensus dicti Formula-
"rii suoque arbitrio effingant ejusmo-
"di sensum obvium, Ecclesia non ju-
"dicat de occultis, quæ soli Deo
"cordium scrutatori innotescunt. Sin-
"verò iidem prætensi Jansenistæ vo-
"ce aut scriptis edant proprios sensus
"Apostolicarum Constitutionum præ-
"dictique Brevis sensui dissentaneos, de-
"bent Episcopi, prout de jure, contra
"eos procedere, non tantum authorita-
"te ordinaria, sed etiam speciali facul-
"tate ipsis indulta à Constitutionibus
"Prædecessorum Nostrorum fel. record.
"Innocentii X. & Alexandri VII. quas
"Nos quoque confirmavimus, ita ut
"servatis servandis, congruè puniantur,
"cum

„ cum ea omnia facilè probari possint ,
„ quia agitur de actibus externis.

„ Non sine admiratione intelleximus,
„ nonnullos istis in Dioccesibus reperiri,
„ qui verbis & calamo ausi fuerint affir-
„ mare, supradicto Nostro Breui altera-
„ tam seu reformatam esse Constitutio-
„ nem Alexandri VII. 16. Oct. anni
„ 1656. editam, necnon Formularium
„ ab ipsomet pronuntiatum, cum dicto
„ Breui utrumque specificè, & omnino
„ intenderimus & intendamus iisdem ad-
„ adhærere, & nequaquam sinere ut ali-
„ quid addatur vel dematur à prædicto
„ Formulario, illud quovis modo alte-
„ rando in aliqua ejus minima parte, sed
„ quod in omnibus & singulis ejus par-
„ tibus uti mandavimus, mandamus e-
„ tiam ad amussim observari.”

Itaque observentur accuratè præfata-
duo Brevia, maximèque prius: & quoad
Jansenismum, authore Innocentio XII.
pax erit. Amen.

Finis Historia.



Sex reliquæ Objectiones , earum-
que solutiones.

OBJECTIO PRIMA.

*Causa Propositionum quinque famosarum
præfectus fuit Albizius , à Doctoribus
Augustinianis multum abalienatus, Je-
suitisque prorsus addictus : & ipso pro-
curante, inter 13. Consultores non pauci
fuere Molinistæ, imo unus Jesuita: re-
motis à Congregatione nonnullis, qui-
bus de jure competebat interesse.*

RESPONSIO.

IN causa 5. Propositionum à Pontifi-
ce instituta erat Congregatio quin-
que Cardinalium, velut ante narratum
est ex Santamoreo, p. 5. c. 1. Inter quos
si Cardinalis S. Clementis Dominica-
nus, non fuerit assumptus, pariter as-
sumptus non fuit Cardinalis De Lugo
Jesuita, qui pariter unus erat è supremis
Inquisitoribus. Sant. p. 3. c. 3. Quia ve-
rò Cardinalis Chisius magnam in eadem
causa partem habuisse noscitur, & in
Pro-

Objectiones & Solutiones. 87

Prologo Panegyricos pag. 38. comprobatur, idcirco qualis fuerit, ex Santamoreo hic præmittendum est. Imprimis itaque p. 4. c. 4. testatur Author ille quod Chilii & quorundam aliorum Cardinalium, merita unanimi omnium ore prædicarentur Romæ. Deinde c. 5. eundem laudat à pietate & modestia congruentibus spiritui B. Salesii, cujus effigiem unâ cum effigie S. Augustini (quem singulariter æstimabat & venerabatur, & quidem ab infantia veneratus erat, *ibid.* c. 7.) semper in pectore gerebat. Præterea idem Santamoreus dicto c. 5. Chisium laudat ab Epistola quam existens in Germania Nuntius scripserat in favorem libri Arnaldini de Frequenti communione. Additur ibidem c. 7. quod jam dictus Cardinalis integrum Augustinum Jansenii legisset. Denique *ibid.* c. 11. multum extollit Santamoreus ejus eruditionem, æquitatem, atque benignitatem.

Hic ergo Cardinalis Santamoreo p. 5. c. 2. narrabat sibi dixisse Pontificem, quod quidem Albizius aliquando duriores & fervidiores sermones haberet, sed quod nihilominus dum aliquid agendum erat, illud consideraret non semel. Cumque

que aliàs Santamoreus C. Chisio significasset se suspicari quod Albizius Pontifici author fuisset, ut materia de Auxiliis intacta relinqueretur; respondit Cardinalis subiratus: " Ecce quomodo unum Albizium semper appellant: simili modo Doctores Flandri contendebant Albizium Urbani VIII. Bullam adulterasse: quam tamen ego (inquit ibidem Cardinalis) Datoribus istis adulteratam non esse monstravi." *p. 6. c. 7.*

Sed eo non obstante, imo non obstante Decreto anni 1664. quo prætentas Bullæ jam dictæ falsitates, puta de inserto nomine Jansenii & appositâ virgula seu commate, Sedes Apostolica rejecit, non desuit idcirco Albizius Santamoreo aliisque suspectus esse & invisus. Neque ipse profectò timere videbatur illorum offensam, cùm Santamoreo *p. 3. c. 13.* diceret hæc verba: " Conveniret paucos illos Episcopos vestros, vosque eorum Legatos, obedire Bullis Apostolicis, & tranquillè vivere." Uti neque timere videbatur, cùm Santamoreo respondentem se non audivisse nec legisse unquam quod Episcopi Galli defuissent ullatenus suo in S. Sedem officio, repli-

cuit

cuit in Gallia quotidie S. Sedem impeti,
& in Regno isto continuam fieri men-
tionem libertatum Ecclesiæ Gallicanæ,
quibus autoritas Apostolica violaretur:
præterea quemdam à *Marca* compo-
suisse librum grandem, impertinentem,
& pessimum inter omnes illos qui mul-
tis retro annis in notitiam venerant: At-
tamen Authorem istum palinodiam ce-
cinisse, sicque creatum esse Episcopum.
Hæc Albizius loco citato. Quapropter
etiam dicti Legati eundem Albizium,
tanquam ipsis valde suspectum, ab offi-
cio Secretarii Congregationis exercen-
do remove conati sunt. Sed dum il-
lum sic recusarent, pariterque quosdam
Consultores, nempe P. Palavicinum Je-
suitam, & P. Modestum Franciscanum,
quem tanquam Approbatorem libelli
Jesuitici in doctrinam & auctoritatem
Augustinianam injurii apud Pontificem
accusaverant; dumque contenderent
nullatenus convenire quod ullus istorum
in causa §. Propositionum Judex esset;
respondit Cardinalis Spada (ait. Sant.
p. 6. c. 2.) quod si istos recusare vellemus,
adversarii nostri quidam alios recusare
possent. Quod isti Theologi non habe-
rent votum decisivum, & quod dumta-

xat audirentur differentes, sicuti nos audiendi eramus. Quòd tametsi Cardinalibus adjuncti forent aliqui Prælati, non haberent etiam hi votum decisivum: sed quòd auditis horum & illorum opinionibus, suis Eminentissimis incumberet omnia ponderare, & Suæ Sanctitati referre, ut juxta æquitatem, veritatem, & S. Sedis obligationem, necessitatibus Ecclesiæ provideretur. Quantum ad Secretarium (Albizium) quòd ejus functio foret exigua & parvi momenti in Congregatione: & quòd ipse in ea nihil posset, ibique nihil aliud ageret, quàm quòd, postquam Theologi per horam, hic amplius ille minus, disseruissent, & jam concluderent dicentes, *Sum igitur in voto*, tunc scriberet illa verba quæ sibi per Theologum dictabantur, & quæ pariter scriberentur ab aliis qui diligentiam illam adhibere volebant. Hæc C. Spada. Similiter Cardinalis Roma Santamoreus, p. 3. c. 6. dixit, Albizium non admodum posse: Item p. 5. c. 3. Consultores non esse Judices, & eorum opiniones non esse decisivas. Et ipse Santamoreus p. 6. c. 5. disertè affirmat quòd omnes Consultores nullum aliud suffragium haberent quàm consultivum. Quo dato, cessant

sant querimoniam de quibusdam Consultoribus, uti prætenſis *Judicibus* suspectis: præſertim cum è Consultorum numero forent etiam alii Adversariis suspecti, ex. g. Generalis Augustinianorum, qui cum P. Aversa Consultoribus adjunctus erat, licet eorum neuter fuisset è numero Qualificatorum S. Officii, *Sant. p. 6. c. 5.* & licet Generalis potuisset esse suspectus ob Memoriale quod Pontifici offerre decreverat, & quod apud Santamoreum ibidem extat; cumque, veluti C. Spada Santamoreo memorabat *p. 6. c. 12.* assumpti forent duo Dominicani adversus unum Jesuitam. Quod autem in Prologo Panegyreos *pag. 30.* dicitur duos alios Dominicanos priorum Socios, nec non Hilarionem Abbatem, P. Ubaldinum Generalem Sommasquorum, aliosque nonnullos, Albizii potentiâ, contra jus ipsis competens, exclusos, & alios intruſos fuisse; refellitur auctoritate Cardinalis Chiffi. Cum enim Santamoreus *p. 5. c. 2.* Consultorum electionem & mutationem, Albizii suggestionibus potissimum adscribendas esse suspicatus, diceret se vereri ne Albizius quoscumque Jesuiticis opinionibus addictos induceret, &

M 2

quos-

quoscumque faventes S. Augustini doctrinæ removeret ; respondit C. Chisius, inprimis quòd S. Augustini doctrina ab omni periculo abesset: deinde dixit Consultores per ipsum Papam eligi, qui licet hodie hunc & die sequenti alium assumeret, rem faceret à suo beneplacito pendentem. Ita Chisius. Accedit quòd ipse Santamoreus *p. 6. c. 5.* non oblcure significet, quòd Hilarion Abbas, & P. Ubalдинus Congregationi interesse noluerint: & Paulus Irenæus *disq. 5. a. 5.* referat, quòd Ubalдинus se à Consultorum numero subduxerit, nihil super ea re à Pontifice decretum iri arbitratus, ideoque inutilem contentionis invidiam fugiens. Quod verò idem P. Irenæus Patrem Tartaglia, & P. Cælestinum Brunum in duorum præfatorum locum suffectos, asserit, fuisse Molinistis obnoxios, refellitur ex sequentibus. Etenim quàm parum Jesuiticis seu Molinisticis sententiis addicti forent Consultores, & inter illos duo postremi, intelligi potest ex Animadversionibus illis quas tamquam à quodam Thomista ad vota 13. Consultorum appositas edidit Santamoreus in Collectaneis *pag. 173. & seqq.* & quas disertè approbat Author

Libri

Libri cui titulus, *Défense de l'Eglise Romaine* &c. pag 432. Nam iste Thomista, qui se Molinistis penitus adversari, non sic Janlenio, proficetur, quique in præfatione disertè contendit de Janlenii sensu neutiquam Romæ judicatum esse; iste, inquam, Thomista in eadem præfatione sic notat: "Consultores penè
 „ omnes doctrinam de Gratia per se effici-
 „ caci, quæ maximè nostræ Scholæ
 „ propria est, omnibus locis catholicam,
 „ orthodoxam, veram esse profitentur."
 Et infra: "Quicumque Consultores illas
 „ 5. Propositiones ad gratiam efficacem
 „ pertinere putarunt, etiam catholicas
 „ pronuntiarunt. Quicumque autem de-
 „ clararunt hæreticas, etiam à gratia ef-
 „ ficaci lato discrimine sejunxerunt."

Et certè si libeat considerare 13. Consultorum vota à Santamoreo producta super 1. Propositione, invenientur sequentià, uti notat idem Thomista. P. M. A. Carpinetus Procurator Generalis Capucinorum longè à sensu Molinistarum abhorruit. P. Delbene Clericus Regularis non minus perspicuè alienus fuit à Molina. P. Augustini M. à Cremona ordinis Servorum sententiam nihil officere Thomistis palam est. Pa-
 tec

ter Lucas Waddingus Ordinis strictioris observantiæ, licet propositionem in aliquo sensu damnet; in duobus tamen aliis sensibus, quorum unum Jansenii esse putat, illam absolvit. Patris D. Campa-
nellæ Ordinis Carmelitarum votum, quia obscurius est, nec prodest nec obest ulli. Patris Modesti à Ferraria, Procuratoris Gen. Ordinis Min. Conv. sententiam probat dictus Thomista. De P. Raphaelè Aversa Ord. Cler. Min. sic notat: & hic rigorosum verborum sensum attendit, quem hæreticum esse inter omnes constat. De P. Vincentio de Pretis Dominicano, Commissario Generali S. Officii, sic ait: hujus votum à Molina alienum non negabunt ipsi Molinistæ. De P. Philippo Visconti, Generali Augustinianorum, dicit se non invenire quomodo Molinistas eximere possit ab ejus censura. P. Vincentius Candidus Dominicanus, Magister Sacri Palatii dicit propositionem non mereri censuram: quia nimirum putavit illam in sensu gratiæ efficacis accipi posse, ait Thomista. P. Tartaglia Carmelita discalceatus censuit Propositionem in aliquo sensu minus proprio posse sustineri, id est (ait idem) in sensu gratiæ efficacis.

cacis. De P. Cælestino Bruno Ordinis S. Aug. dicit idem Thomista constare ex sequentibus votis ipsum gratiæ efficacis patronum fuisse. Denique P. Palavicinus Jesuita illam propositionem in tali sensu intelligit, in quo clarum est meritò damnari. Hæc omnia ex animadversionibus dicti Thomistæ ad primam propositionem: qui insuper in quadam animadversione ad secundam propositionem, P. Palavicinum vocat Molinæ Discipulum moderatissimum.

OBJECTIO II.

Neque partes coram se mutuo audita, neque Scriptura communicata fuerunt: quorum tamen neutrum, juxta juris præscriptum Ecclesiæque consuetudinem, omitti potuit, saltem pluribus Episcopis utrumque vehementer urgentibus ob materia gravitatem subreptionisque periculum quod suberat dum sæculi Potestates contra Fansenium conspirarent, dumque Roma calumniis plurimis onerarentur ejus pratenso defensores.

RESPONSIO.

SI Albizium nolebant auscultare verè dicentem, p. 3. c. 3. & 7. quod in causa

ta 5. Propositionum nullæ partes audiendæ forent, cum in illa de dogmatibus & non de personis ageretur; saltem plures Cardinales, ipsumque Pontificem Maximum audire debuissent. Siquidem Card. Barberinus ipsos admonuit quod nullus in particulari foret implicatus isti negotio: quod his non esset; & quod S. Sedes in eodem negotio pronuntiare posset nemine audito: apud Sant. p. 3. c. 5. Pariter Cardinalis Spada 1. anni 1653. respondit, quantum ad communicationem scripturarum, non solere Romæ res ejusmodi tractari in judicio contradictorio, neque in Congregatione S. Officii, neque in Congregatione Indicis, post Concilium Trid. instituta: inspicere libros, sed Authores non audiri contradictoriè: aliàs negotia fore sine fine protrahenda: illud etiam non fuisse observatum sub Pio V. Gregorio XIII. Urbano VIII. imo nec sub ipso Innocentio X. in causa duorum capitum. Sant. p. 6. c. 1. Deinde *ib.* c. 2. dicebat præfatus Cardinalis, quod quidem sub Clemente VIII. & Paulo V. istud fuisset observatum: sed quod in præsentem nolent controversias tunc agitatae innovare: quodque dumtaxat ageretur

retur de qualificandis 5. propositionibus secundum se suosque terminos spectatis: & quod hoc fieri posset per solam discussionem propositionum secundum se, omisâ illarum historiâ, nullisque partibus contradictoriè auditis. Addebat idem Cardinalis *p. 6. c. 1.* tam multa in ista materia utrimque esse edita, ut nihil eorum quæ dicenda forent, ignorari posset: Quinimo, quod illa quæ tunc ab ipsis exararentur, tam multis Consultoribus, amanuensibus, aliisque tradenda forent, ut fieri non posset quin ad mutuas manus devenirent, & consequenter quin daretur ansa respondendi. Hactenus Cardinalis Spada: & rectè, etiam istud ultimum: nam ipse Santamoreus variis locis fatetur Hallerii sociorumque ejus scripta ad se pervenisse: atque in primis hoc fatetur *p. 6. c. 1. pag. 361.* Iterum *ib. c. 5. pag. 383* idem fatetur de alio novo eorundem scripto, in quo 5. propositiones Jansenio tribuebantur, & loca citabantur. *Pag. 384.* iterum aliud eorundem Scriptum præcedenti prolixius ad se pervenisse fatetur. *Pag. 417.* idem fatetur de tribus aliis eorundem Scriptis. *Pag. 432.* iterum de quodam Memoriali, & alio novo Scripto eorundem. Præterea

Summus Pontifex eisdem sæpius pariter admonuit: semper supponitis, aiebat Santamoreo ejulque sociis *p. 6. c. 18.* vos habere Adversarios quos expugnare debeatis: non est ita. Neque Doctores alii qui pro obtinenda nostra decisione Romam advenere, se dicunt vestras esse partes. *Et ibidem infra.* Non opus est vos in disputationem venire cum illis quos partes vestras appellatis: non agitur de instituenda lite, sed solummodo de qualificandis propositionibus... Si collationem, qualem petitis, fieri juberem, disputationes in infinitum protraherentur, Theologis huc undequaque convolantibus: volo autem hoc negotium citò & sine tanto strepitu terminare... nihilominus offero vos audire sine parte & sine disputatione, Scriptaque vestra recipere. Haftenus Pontifex. Cujus oblationem illi tandem paucis post diebus acceptârunt, *p. 6. c. 19.* tradideruntque postea quædam Scripta super unaquaque propositionum. Quod cum huc usque facere renuissent, aliqui Consultorum mirari cœperant cur non ab ipsis quemadmodum ab aliis informarentur, *p. 5. c. 16.* Nunquam verò probatum est aut probari poterit, quod Oratores isti jux-

ta juris præscriptum audiri debuissent velut audiri postulabant. Attamen (instat Author Prologi Panegyreos pag. 69.) clamant jura omnia Divina & humana non oportere quemquam damnari priusquam locum defendendi accipiat ad ablucenda crimina. Marcel. ep. 2. Damas. ep. 6. Julius ep. 2. c. 31. quia quamvis vera sint, non tamen credenda, nisi quæ manifestis indiciis comprobantur, nisi quæ manifesto judicio convincuntur, nisi quæ judiciario ordine publicantur. Jul. ep. 2. c. 19. Victor ep. 1. Xistus II. ep. 2.

Sed, omisâ controversiâ de fide harum epistolarum, manifestum est ea quæ ex ipsis citantur, ad propositum non pertinere, in quo nimirum non de personarum, prout in verbis illis *quemquam damnari* &c. sed dumtaxat de doctrinarum, propositionum aut librorum damnatione aut judicio agitur. Non enim actum est Romæ de damnanda aut judicanda persona Jansenii: sed tantum an liber ille qui Jansenium Authorem præferebat, & qui post obitum ejusdem Episcopi ab assertis executoribus ejus ex testamento, in lucem editus erat, permittendus esset, necne? An errores contineret, necne? An 5. propositiones in-

de extractæ, & an damnandæ forent, necne? Hæc autem judicari non posse nisi partibus auditis, & quidem contradictoriè, nec allegata jura probant, nec alleganda probabunt. Unde etiam illud quod ex S. Bernardo *lib. 2. de Consid. cap. ult.* in Ep. Provinciali 18. & in Prologo Panegyreos *pag. 32.* affertur, evidenter intelligitur de judicio personarum: & idem est de eo quod in eodem Prologo allegatur ex *cap. 16. Libri Esther.*

Neque dictis adversatur quod Alexander VII. in sua Bulla *Regiminis Apostolici* dixerit, *Cornelii Jansenii hæresim in Gallis præsertim serpentem*: nam proculdubio illud intellexit de hæresi 5. propositionum, quas è libro Jansenii excerptas fuisse definiverat: non verò de propriè dicta hæresi personæ Jansenii: quippe qui, tum sui libri tum iplo 80. Episcoporum 5. propositiones Romano Pontifici ad censuram offerentium testimonio, morti proximus opus suum Pontificiæ sententiæ submiserat.

Fuerat quoque Jansenii persona Romanis olim ob illustres pro Ecclesiâ labores exantlatos ita pretiosa, ait ex Sant. *p. 5. c. 13.* Scriptor Panegyreos, ut nominatio ejus ad Iprensẽ Episcopatum

cum

cum jubilo exciperetur, & Bullarum expeditio ingenti plausu & gratis fieret: &, ut posterior alibi affirmat, " fuerat „ Jansenius de summis & imis, de Rege, „ de Republica, de Academia Lovani- „ ensi, de universa Ecclesia, ac præser- „ tim particulari Romana (quod Spon- „ gia Notarum manifestat) tam eximiè „ bene meritus, " ut profecto inde col- ligere liceat quod non faciliè, & non sine prægnanti ratione, potuerint quidam ejus adversarii quidquam adversus illum aut ejus librum impetrare. Proinde non faciliè etiam credendum est illud quod Prologi pag. 32. narrat idem, nixus testimonio Santamorei affirmantis se sic ab aliquo accepisse, nimirum " quod „ Imperator, Reges Hispaniæ, Galliæ „ & Poloniæ ab adversariis excitati, per „ litteras à Pontifice Maximo flagita- „ rent disertam condemnationem 5. Pro- „ positionum, veluti turbas & dissidia „ ingentia in suis ditionibus invehen- „ tium." Hoc, inquam, non faciliè cre- dendum est; præsertim cum eatenus in Gallia fere sola turbas excitavissent quin- que propositiones: & tamen Rex Gal- liæ (tametsi fortè per *Martem Galli-* cum non parum offensus esset vel saltem
offensus

offensus fuisset ille qui Regni Gallici, sub *Ministri* titulo, fræna moderabatur, ut affirmat dictus Author Prologi *Panegyreos pag. 11*) referente Santamoreo *p. 5. c. 14.* neutri parti favebat, & nihil aliud cupiebat, quam ut negotium cito terminaretur: quod etiam se suosque cupivisse idem Santamoreus ibidem affirmat. Deinde si quis dictorum Principum modo præfato scripsisset, Legatus ejus Romæ residens causam Adversariorum Santamorei promovisset, & hoc ipse non ægrè deprehendisset, nec in suo Diario prætermisisset annotare. Sed nec ipsi Jesuitæ Doctoribus antedictis, quantum poterant, adversari fuisset videntur, quandoquidem Santamoreus *p. 6. c. 1.* testetur Cardinalem Spada in Fide Sacerdotali, manu pectori apposita, Abbati Lalanio & sibi 1. anni 1653. asseruisse, quod ex quo res ista agitari cœperat, nullus Jesuitarum ipsi locutus esset, demptis iis quæ super eadem re P. Palavicinus palam in Congregatione dixerat. Cæterum dato quod Jesuitæ Doctoribus antedictis plurimum adversarentur, ipsi equidem alios multos, præsertim Gratia per se efficacis defensores, habebant amicos & adjuutores, è quorum

quorum numero erat quidam Dominicanus Eruditissimus, Cardinali Roma maximè familiaris, qui pro secreta ejusdem Cardinalis informatione, conficiebat quædam scripta quorum exemplar absque mora Santamoreo clam tradebat, & postmodum eidem significabat quantum Cardinali persuasisset. Sant. p. 5. c. 9. Unde etiam, ut ait Sant. p. 5. c. 4. Hallerius & Socii ejus multis Romæ locis audiebant tamquam qui exitium Augustinianæ doctrinæ molirentur. Et, inquit idem Sant. p. 6. c. 28. Romæ maximus erat eorum numerus qui nos causamque nostram diligebant.

Ex quo etiam sequitur quod si quæ calumniæ in ipsos jacerentur, non facile susciperentur, aut irritus redderetur earum conatus: cum insuper ipsi ad omnia attenti forent, neque cessarent scripto vel voce rogare omnes, ne se calumpniantibus aures præberent; & profiterentur Romani quod super accusationibus personalibus audiendæ forent personæ accusatæ. Quinimo cum (uti refert Santamoreus p. 4. cap. 11.) Abbas Lalanius eodem Santamoreo & tertio Socio stipatus, validè confutavisset coram Cardinali Chisio (sicuti antea coram Cardinali Spada confutarat)

notabiliores accusationes, quibus Hallerius & ejus Collegæ præfatum Abbatem ejusque Socios tamquam S. Sedis hostes traducere putabantur; dictus C. Chisius à nobis (ait Sant. *ib.*) quæsit ubinam Hallerius ista de quibus querebamus, dixisset: nam (aiebat idem Cardinalis, teste Sant. *ib.*) quod ad me attinet, nullatenus istorum memini: & accusationes hujusmodi, aurium unam intrant, & per alteram egrediuntur. Hæc ibi. Unde quod Santamoreus ex litteris cujusdam amici ad ipsum in Gallias redeuntem, 12. Julii 1653. id est uno mense & amplius post Innocentii X. Constitutionem datis refert, & similiter Author Panegyreos pag. 39. videlicet Hallerium à prædicto Cardinali ejusque nonnullis familiaribus peramanter acceptum fuisse, parvi momenti est: nam inprimis istarum litterarum Scriptoris testimonium non magnâ fide dignum est, cum ipse ibidem optet ut Episcopi Doctoresque Galli adeò generosi forent ut istam in materia fidei Constitutionem non reciperent, utpote non unâ cum Clero Romano sancitam, sed cum tribus quatuorve Cardinalibus, talique Congregatione qualis adhibita noscitur,

expeditam: cùmque ibidem addat Cardinalem Chisium eidem Constitutioni sedulam suam operam præstando, veritati plurimùm obfuisse: denique cùm, velut ibidem narrat, expedire judicaverit, ut die præcedenti Cardinalis Barberini patrocinium imploraret adversus Pœnitentiarios Ecclesiæ S Petri comminantes ipsum uti Constitutionis violatorem in S. Officij custodiam conjiciendum curare. Deinde hoc omisso, compertum est, quòd C. Chisius juxta B. Salesii, quem insigniter æmulabatur, spiritum, mitissimus fuerit, prout etiam illum appellat Paulus Irenæus *disq.* 5. a. 13. quòdque, teste Santamoreo *p.* 4. c. 11. valde benignus fuerit erga omnes. Ideoque dum iste Doctor, Jesuitarum hortum curiositatis causâ ingressus, in illo Chisium in medio duorum Patrum ambulantes invenisset, de ea re minimè laboravit, neque suspicionem ullam sinisteram concepit, cùm ejus eruditionem, æquitatem, atque benignitatem in omnes exploratam haberet, uti testatur dictus Santamoreus *p.* 4. c. 11. qui etiam refert ibidem, quòd dictus Cardinalis familiariter ab ipso quosdam libros elegantissimo Gallico compactos sibi procurari

rari peteret : & qui *p. 6. c. 1.* narrat, Lallanio & sibi dixisse Cardinalem istum ; quòd Hallerii Scripta forent admodum *de communi*, & quòd valde parum Congregationi profuissent. Quod autem attinet ad testimonium Patris Tartaglia ; ex Santamoreo *p. 7. c. 2.* seu potius ex præfatum litterarum Scriptore ; prologi Panegyreos *pag. 38.* prolatum ; libenter agnoscimus Chisium (sicut ipse postmodum Alexander VII. existens non obscurè significavit) in causa 5. Propositionum magnam partem habuisse. Verumtamen non Chisius Bullam concinnavit, sed ipse Innocentius illam Chisio dictavit, teste Episcopo Leodiensi, apud Santamoreum in secunda additione ad Diarium : cui ex ore Pontificis ita se accepisse testanti major profectò fides debetur, quàm supradicto litterarum Scriptori, qui ex solo nescio cuius relatu testatur, quòd Pater Tartaglia Chisium tamquam Bullæ conditorem, ipsamque Bullam supra modum laudaverit.

OBJECTIO III.

*Liquet è testimoniis Commissarii S. Officii
& Luca Waddingi, quin & Cardina-
lium Spada & Cechini, quod non fuerit
authoritate Apostolicâ examinatum,
an 5. Propositiones in Libro Jansenii
reperirentur, nec ne?*

RESPONSIO.

OBjicitur itaque primò, quòd Vin-
centius de Pretis Commissarius S.
Officii in suffragio suo dixerit, primam
Propositionem fuisse propositam in ab-
stracto, ut præscindit ab omni proferen-
te. Et similiter L. Waddingus in *Rela-
tione Brevis* testari dicitur, in prima Con-
gregatione habita 24. Sept. 1652. con-
clusum fuisse, ut singulæ Propositiones
per se examinarentur, & qualificarentur
in abstracto, sicut jacent, abique ullo re-
spectu ad Authorem. Insuper, uti refert
Santamoreus p. 5. c. 11. cum Lalanus
& Santamoreus ipsi Cardinali Spada
exhiberent necessitatem secernendi va-
rios Propositionum sensus, ne catholicæ
veritates eâdem cum erroribus censurâ
involverentur; respondit Cardinalis, in

Congregatione considerari præcisè Propositiones secundum seipsas, abstrahendo à sensu unius vel alterius, conjectâ in aërem manu, proferens hæc verba, Le ponderamo in abstracto. Cui replicuimus (ait Sant. 16.) quod si tantum ageretur de considerandis Propositionibus in abstracto, nos ne unum quidem passum propterea progredi voluissemus, neque partem ullam suscipere: sed quod attenderemus fundum doctrinæ, quæ Propositionum occasione controvertebatur, & quæ per sensuum discretionem, & totius materiæ elucidationem agnosceretur. Ita Santamoreus: qui per replicam illam subministrat objectionis hujus tertiæ solutionem, nempe dum considerationi Propositionum in abstracto, sensuum distinctionem opponit. Sed antequam hoc ostendatur adhuc præmittendum est aliud testimonium quod alterius obijcitur. Cardinalis Cechini nobis, ait Sant. p. 6. cap. 1. dixit se ab initio ad finem omnia Scripta nostra legisse, sed per ea non attingi illud quod quæritur. Nolunt, aiebant, considerare quid actum sit occasione propositionum: sed merè volunt illarum veritatem indagare, abstrahendo ab alio quocumque, eademque qualifi-

hificare secundum terminos quibus constant: & utinam, addebat idem Cardinalis, vobis aperire possem quali solitudine, intentione, & sinceritate, huic negotio incumbatur.

Porro hinc colligunt aliqui, sic quinque Propositiones secundum se examinatas fuisse in congressibus, ut opus Jansenii è quo dicebantur extractæ, nullatenus ibidem excussum fuerit. Sed hanc collectionem illegitimam esse patebit ex sequentibus. Siquidem (dato quod fide digna sint illa documenta quibus ejusmodi testimonia proferuntur) cum Doctores antedicti semper instarent ut resumeretur controversia de Auxiliis, intenderentque semper ut sensus gratiæ per se efficacis approbaretur, damnato sensu gratiæ sufficientis Molinianæ: ideoque supplicarent distingui varios sensus 5. Propositionum, quas æquivocas & ad fraudem fictas esse dicebant; prout etiam varios illarum propositionum sensus in celebri suæ trium columnarum Scripto exhibuerunt: cum, inquam, isti Doctores hæc inculcare non cessarent, Pontifex & Cardinales contra declarabant velle Suam Sanctitatem abstrahere à controversia de Auxiliis, &

consequenter à præfata sensuum distinctione, propositionelque secundum se sive secundum suos terminos expendere velle, non determinando illas ad sensum hujus vel illius. Cum eo autem bene consistit quod unà discussum fuerit an sensus 5. Propositionum sic secundum se spectatarum contineretur, necne, in libro Jansenii: sicuti cum eo quod Innocentius XII. in suo Brevi de 6. Februarii 1694. & in suo Decreto de 20. Jan. ejusdem anni, vetuerit 5. Propositionum interpretationem fieri in alium sensum *præter eum quem ipsa verba per se exhibent*, bene consistit, quod S. Sedes illas damnaverit in sensu Jansenii seu libri ejus, prout etiam procul dubio damnavit, quia nimirum censuit illum sensum quem 5. Propositionum ipsa verba per se exhibent, importari in libro Jansenii.

Neque verum est quod Paulus Irenæus alique, ac præsertim Author prologi Panegyreos pag. 39. & 40. continent, Alexandrum VII. in Bulla *ad sacram* tantummodo loqui de 5. Propositionum examine; dum sic ait, *eadem causa discussa est eâ profecto diligentia qua major desiderari non posset*; quandoquidem apertè loquatur de examine eorum quæ

præmiserat dicens. "Cum sicut accepimus, nonnulli iniquitatis filii prædictas 5. Propositiones vel in libro ejusdem Cornelii Jansenii non reperiri sed fictè & pro arbitrio compositas esse, vel non in sensu ab eodem intento damnatas fuisse, asserere magno cum Christi fidelium scandalo non reformident." Unde etiam examine diligenti jam dicto nixus idem Pontifex subjungit. "Nos quaecumque dubitationem *super præmissis* impofterum auferre volentes... 5. illas Propositiones ex libro Jansenii excerptas, ac in sensu ab eodem Jansenio intento damnatas fuisse definimus & declaramus." Ubi utrumque præmissorum per definitionem unicuique oppositam respuit: & ubi notanter hanc nonnullorum assertionem post Constitutionem Innocentianam pergentium scandalosè dicere 5. Propositiones in libro Jansenii non reperiri, sed fictè & pro arbitrio compositas esse, rejicit, dum disertè 5. *Propositiones ex libro Jansenii excerptas... fuisse definit*; (etiamsi non dicat se hoc definire tanquam fidei: & forsan ideo dixerit, si tamen dixerit, Cardinalis Laurea, Pontificem hoc non definivisse.) Unde etiam, nec immerito,

tò, supradictam Pauli Irenæi aliorum-
 que opinionem vehementer improbavit
 idem Alexander VII. in Brevis ad Mag-
 nos Vicarios Archiepiscopi Parisiensis
 dato 1. Aug. 1661. & supra relato, his
 verbis Edictum ipsorum nomine publi-
 catum perstringens. " In quò sanè (Edi-
 „ cto) imprimis non minùs temeraria
 „ quam mendaci narratione profertur,
 „ tempore fel. record. Innocentii X. non
 „ aliud actum fuisse quam inquisitum an
 „ Propositiones ille quinque de Gratia
 „ veræ & Catholicæ, an potius falsæ &
 „ hæreticæ censendæ forent. *Cum eo*
 „ *planè tempore nedum de propositionibus*
 „ *ipsis cognitio hàbita fuerit, verum quod*
 „ *Jansenii libro Augustinus nuncupato*
 „ *extractæ essent, & ita in sensu ab eodem*
 „ Jansenio intellectæ damnatæ: ut Nos
 „ ipsi Constitutione nostra 17. kal. Nov.
 „ 1656. luculenter expressè declaravi-
 „ mus." Ac proinde nullà veri specie in
 Prologo Panegyreos pag. 39. dicitur an-
 tediectam Alexandri VII. declarationem
 eò tandem recidere, quod Hallerio &
 Affectis ejus testificantibus, Innocen-
 tius & ipse vicissim crediderint Jansenii
 libro contineri sequentia: " Quod præcè-
 „ pta Dei sint homini impossibilia: quod
 „ homo

„homo necessario bene agat, quia gratia resistere nequit: quod necessario peccet, quia defectu gratiae non peccare non potest: quod libero arbitrio careat, quia gratia illum ad agendum necessitat: quod Christus nullam gratiam conferat illis qui damnantur.”

Accedit quod haec omnia tam manifestè Lutheri & Calvini damnatis haeresibus consonent, ut ad illa damnanda supervacaneum primâ fronte visum fuisset examen operosum, quale pro 5. propositionibus adhibitum fuisse constat. Sed & verisimilitudine caret illud quod ex dicto Paulo Irenæo scribit Author libri *Defense de l'Eglise Romaine* pag. 155. & 156. Innocentium X. credidisse Hallerio Jesuitisque constanter affirmantibus nullam de sensu Jansenii controversiam esse, talemque omnino esse Jansenii sensum, qualis ab ipsis exhibebatur (nimirum in 5. Propositionibus, quas præcisè, litteris 80. Episcoporum insertas, Apostolicæ Sedi ad censuram obtulerant) quandoquidem Innocentius ignorare non potuerit quod sensus Jansenii foret controversus. Inprimis enim D. Lagault D. Hallerii Collega dicebat quod *etiâ si 5. famosa Propositiones in*

Jansenio non reperirentur conceptis verbis,
evidens tamen esset quod in illis summa
doctrinæ ejus consisteret. Sant. p. 5. c.
1. Deinde p. 3. c. 4. idem Santamoreus
Pontifici tradidit plurium Episcoporum
litteras quibus apertè scribebant
(*Recueil de diverses pieces* pag. 5.) 5. pro-
positiones *ad libitum fictas*, & ambiguas
vocibus concinnatas esse. Et p. 3. c. 12.
eidem Pontifici detulit litteras Episcopi
Venciensis. quibus affirmabat 5. Propo-
sitiones nullo ex certo authore illis ipsis
quibus conceptæ sunt verbis excerptas
fuisse. Cumque Cardinalis Cechini ex
Santamoreo quæreret an 5. propositiones
in Bulla Urbani VIII. contra Jansenium
edita reperirentur? Respondi, ait Santa-
moreus p. 3. c. 7. illas nullibi reperiri, me-
que venisse ut Sanctitati Suæ & suis
Eminentiss. significarem qualiter pro ar-
bitrio fictæ forent à D. Corneto, ad il-
ludendum Pontifici, & S. Sedi. Præte-
rea refert ibidem se Cardinali Barberino
mentionem fecisse Scripti cui titulus est:
*5. Propositionum de Gratia quas Facultati
Theologica Parisiensi M. Nicolaus Cornet
subdole exhibuit 1. Julii anni 1649. vera
& Catholica expositio juxta mentem Dis-
cipulorum S. Augustini: & ibidem addit*
se

se Romæ pluribus illud Scriptum communicavisse, & ejusdem varia exemplaria dedisse. Ibidem c. 8. plurimos enumerat quibus ejusmodi exemplaria amicè distribuit. Ibidem c. 9. donat simile exemplar Patri Waddingo. Ibidem illud ostendit Cardinali Urfino. Ibidem illud tradidit D Holstenio: & de eodem prolixè disseruit apud Socium Patris Commissarii. Porro Scriptum istud, cujus tot exemplaria tunc distributa sunt Romæ, & quod extat apud Santamoreum in Collect. pag. 50. & seqq. in eo præcipuè versatur ut Jansenium aliosque vindicet à 5. propositionum erroribus.

Itaque quamvis supponatur verum esse, quod, uti refert Santamoreus p. 4. c. 2. DD Brouffe, de Lalane, Angran, & simul ipsi Santamoreo 21. anni 1652. dixerit Pontifex se nolle mentionem ullam de Jansenio fieri, & illi quoque se non Jansenii causâ missos esse declararint: & quamvis Santamoreus p. 3. c. 7. Albizio fassus fuisset se librum Jansenii non legisse; nihilominus tantum abest quod antedictum Papæ monitum observaverint constantissime, quemadmodum Author Panegyreos affirmat in Prologo pag. 26. ut econtra illud non multo ma-

gis attenderint, quam alterum ejusdem
Papæ super materia de Auxiliis non at-
tingenda mandatum. Etenim adhuc po-
stea cum Abbate Hilarione multum de
Jansenio disseruerunt. Sant. p. 4. c. 3. Et
p. 4. c. 6. dixit Santamoreus P. Waddingo
primam propositionem fraudulenter
avulsam fuisse è loco è quo desumpti
sunt ejus termini, & in quo antecedentia
& consequentia propositionem illam
determinant ad sensum prorsus ortho-
doxum, & ad veritatem maximè Catho-
licam. Deinde etiam postea dedit Car-
dinali Costagusti exemplar unum Scri-
pti præfati, p. 4. c. 10. Neque dubium
est quin ipse & socii ejus juxta præfatas
suorum Episcoporum litteras dictitare
pergerent 5. propositiones ambiguas &
ad fraudem fictas esse, earumque nul-
lum alium esse Authorem quam illos ip-
sos qui earum damnationem flagitabant:
vide Sant. p. 6. c. 21. velut etiam expres-
sè dixit Abbas Lalanus in celebri au-
dientia 19. Maii 1653. habita: in qua
verbotenus legit integrum Scriptum di-
stinctionis sensuum in tribus columnis.
Sant. p. 6. c. 22. & super eodem Scripto
idem Lalanus ibidem integra hora per-
oravit. Sant. *ibid.* c. 23. Finitaque audien-
tia

tia Scriptum illud cum aliis Pontifici obtulerunt, Sant. p. 6 c. 22. Deinde aliud exemplar ejusdem Scripti tradiderunt Cardinali Spada. Sant. *ibid.* c. 24. Similiter *ib.* Cardinali Pamphilio qui in locum Cardinalis Roma defuncti suffectus fuerat. Similiter Cardinali Cechini qui ab audientia abfuerat: ideoque simul ei dederunt exemplar orationis D. Lalanii, *ibidem* Subscribebantque & sigillo suo muniebant omnia Scripti prioris exemplaria, *ib.* Aliud quoque dicti Scripti exemplar datum est Cardinali Ginetti: *ibidem in fine.* Porro in illo Scripto dum agitur de prima propositione, expresse dicitur in titulo, illam propositionem a suo loco dolose avulsam esse: de unaquaque verò reliquarum dicitur illam esse fabricatam.

Denique inter Scripta quæ in audientia præfata obtulere Pontifici, erat hoc quintum, super quo etiam tunc disseruit Abbas Lalanus, & quod intitulatum erat, *Explanatio 60. testimoniorum S. Augustini.* In illo autem Scripto, quod extat apud Santamoreum in collect. pag. 110. & seqq. Jansenium vindicare conabantur ab eo quod contenderetur rejicere quamcumque gratiam sufficientem,

ut abbi dictum est. Deinde contra Hal-
lerium & socios ejus initio ejusdem Scri-
pti ponuntur 8. notæ generales quarum
hæc est septima. *Imponunt Jansenio, ut
infra ostendetur.* Insuper postquam ex
Scripto Adversariorum objectum fuit
quod Jansenius primam propositionem
doceret *tom. 3. lib. 3. de Grat. Salv. c. 22.*
&c. sic respondetur *pag. 111.* " Hoc
,, docet Jansenius, & ex multis S. Augu-
,, stini locis colligit, sed ex antecedenti-
,, bus & consequentibus, à quibus pro-
,, positio avulsa est, clarum est quam re-
,, cto sensu illud dixerit." *Pag. 112.* ad
aliam objectionem de Gratia sufficiente
respondetur hoc modo: *Imponunt Jan-
senio, nisi per auxilium sufficiens intel-
ligant Molinisticum &c. Pag. 128.* ad
aliam objectionem respondetur, Adver-
sarios ibi *imponere S. Augustino & Jan-
senio.* Unde etiam in *Relatione Brevis*
Waddingus (quem Author Panegyreos
pag. 31. Prologi, appellat virum in hoc
negotio cum præconio nominandum)
agens de præfata audientia, sic ait. " In-
,, troducti sunt quinque Presbyteri Gal-
,, li Sorbonici, qui partes tuebantur Jan-
,, senii."

Postremò Consultores, juxta ipso-
rum

rum vota à Santamoreo producta, non raro nec tantùm obiter de Jansenii sensu differuerunt, & eorum aliqui disertè negârunt quasdam è 5. Propositionibus apud illum inveniri. Idem apparet in præfata *Relatione Brevis* Waddingi. Nam, uti refertur in priori Scripto, Waddingus dixit, primam Propositionem in tertio sensu (*quem putavit esse Jansenii*) nullam mereri censuram. P. Tartaglia judicavit dignam esse censurâ in sensu intento à Jansenio. Secundam Propositionem in sensu intento à Jansenio dignam esse censurâ judicârunt sequentes, P. Palavicinus, P. Delbene, P. Averfa, P. Augustinus Maria à Cremonâ, P. Campanella, P. Modestus: quorum tres postremi expressè censurarunt eandem in sensu proprio. Tertiam Propositionem in sensu Jansenii censurarunt P. Joannes Augustinus, P. Palavicinus, P. Marcus Antonius Carpinetus, P. Augustinus Maria, P. Averfa. Quartam Propositionem sic qualificârunt sequentes, P. Joannes Augustinus: ut jacer, hæreticam: ut asseritur à Jansenio contra quosdam Doctores Catholicos, mereri censuram &c. P. Delbene: secundam partem prout intelligitur à Jansenio,

nio, formaliter hæreticam. P. Augustinus Maria: in proprio & riguroso sensu verborum à Jansenio intento esse formaliter hæreticam. P. Aversa: eo modo quo ponitur à Jansenio, videri hæreticam. Patres Palavicinus & Carpinetus: prout prolata à Jansenio, immunem esse ab omni censura Theologica: nisi in quantum nimis rigorosè centurat. P. autem Waddingus sic ait: "Censeo
 " Propositionem hanc fuisse malè conceptam: & Authorem (quisquis ille
 " fuerit) in prima parte circa dogmata
 " Semipelagianorum, & in secunda circa mentem Jansenii fuisse planè deceptum. Cæterum in Libro Jansenii censeo scandalosum esse & temerarium
 " nimis vehementem illum modum propugnandi sententiam propriam, & impugnandi alienas, præsertim Patrum
 " Jesuitarum. " Super quibus votis Thomista præfatus ita notat: "Sensum
 " Jansenii hic expressè Jesuita Palavicinus, Carpinetus, Waddingus, à censura eximunt: imò postremus ille
 " Authorem illarum Propositionum in Jansenii mente planè deceptum coram
 " Summo Pontifice prædicat, verène an
 " falso, nihil ad me. Interim obiter no-

"to hanc de Jansenii sensu controver-
 "siam inter ipsos Consultores viguisse."
 Hæc ille Thomista. Addo ego ex hoc
 solo manifestum esse quod Authores lu-
 præ citati frustra contendunt Innocen-
 tium X. credidisse Hallerio & affectis
 ejus constanter affirmantibus, quod nulla
 de sensu Jansenii foret controversia. Id
 ipsum patebit amplius ex sequentibus
 super quinta Propositione suffragiis. Si-
 quidem hanc expressè in sensu Jansenii
 censoriâ notâ castigant P. Joannes Au-
 gustinus, P. Palavicinus, P. Delbene,
 P. Augustinus Maria, & P. Aversa. P.
 Waddingus verò dicit quod ista propo-
 sitio cum illa nota sive censura Semipe-
 lagiani erroris nullibi legatur apud Jan-
 senium. Delumpta sunt hæc omnia è
 priori Scripto quod extat apud Santa-
 moreum in Collectaneis pag. 173. &
 seqq. & confirmantur ex supradicto po-
 steriori Scripto, sive *Relatione Brevis* &c.
 In qua nimirum (prætermisissis iis quæ
 jam è priori Scripto narrata sunt) habe-
 tur, quod Cælestinus secundam propo-
 sitionem censuerit esse contra omnes
 Thomistas, SS. Patres, præsertim Au-
 gustinum, quem sibi Patronum susci-
 pit, sed falso, Jansenius. Waddingus
 Q verò

verò dixit propositionem hanc nullam sub his terminis reperiri apud Jansenium. Deinde ibidem habetur, quòd in relectione votorum P. Celestinus de prima propositione sic censuerit: in sensu Jansenii est formaliter hæretica, & absolutè, prout in voto. Item quòd (cùm intimatum esset per D. Cardinalem Ginetum velle SS. Dominum omnia suffragia PP. Consultorum perlegere, & singulis Congregationibus coram se habendis audire, cùmque postea jussisset Pontifex ut unusquisque suum proferret judicium super prima propositione) Waddingus voto suo adhæserit, licet ad unum tantum sensum totum negotium reduxerit, illumque dixerit esse legitimum & genuinum Jansenii de potentia seu possibilitate proxima & completa & cum effectu, ut loquitur Augustinus: & ostenderit non voluisse Authorem, ut semper desit gratia &c. Item quòd postremus dixerit M. S. Palatii breviter & ad rem loquens de mente Jansenii, & conformiter cum doctrina S. Augustini. Denique quòd Commissarius S. Officii, præsentè similiter Pontifice, judicium suum aperiens super tertia propositione, toto sui sermonis discursu voluerit probare

bare eandem esse Iansenii & Dominicanorum doctrinam.

OBJECTIO QUARTA.

Est moraliter impossibile librum Iansenii per 60. circiter viros religione & eruditione præstantes, loquace, studiis, professione & commodis ita dissimiles approbatum summeque laudatum, continere quinas hæreses, sive 5. famosos articulos.

RESPONSIO.

Posset hic commemorari quomodo S. Cypriani de re baptizandis hæreticis sententiam comprobavit Synodi Episcoporum ex Africa, Numidia & Mauritania congregatorum, necnon S. Dionysius Alexandriæ, & Firmilianus Cæsareæ Episcopi. Item quot & quales Origenis & Theodori Mopsuesteni Scripta & errata propugnaverint. Sed exemplis veteribus omissis ad moderna veniendum est. Non latet quam multi viri præstantes & eruditi probaverint quædam opera quietistica, necnon disciplinam Ecclesiasticam & Bibliothecam Æliæ du Pin, & etiamnum probent nonam partem difficultatum Domino S. Pro-

positarum, quin & Suavianam Concilii Trid. historiam. Et tamen quam intolerabilia sint ejusmodi Scripta, jam inter omnes constare videtur; demptis duobus ultimis, de quibus agerur infra per appendices. Sed iterum his ommissis, juvat ex solis 5. Propositionibus hîc exempla sumere. Atque imprimis observo quod Author ille ex quo præsens objectio desumpta est, probè noverit 5. famosas Propositiones à Pontifice Romano tanquam hæreticas esse damnatas, & non ignoret huic damnationi consensum Ecclesiæ accessisse, prout expressè observavit Arnaldus in sua ad Theologos Duacenses Epistola: adeoque dubitari non posse quin istæ Propositiones sint hæreticæ. Et tamen eas, ad gratiæ per se efficacis sensum revocatas, constanter tenuerunt Santamoreus ejusque Collegæ aliique Galli quamplurimi: quinimo cum illæ ab 80. Episcopis ad censuram oblatae forent, non pauci è familia PP. Dominicanorum viri doctissimi, tam juxta Authorem panegyreos, quam juxta Santamoreum *p. 6. c. 6.* propositiones illas scripto propugnaverunt, videlicet eandem revocando ad sensum gratiæ per se efficacis: & pariter quidam eruditus

ac pius Cardinalis (ut refert *Sant. p. 2. c. 5.* & Author panegyreos *pag. 19.* prologi) illas tanto fervore propugnabat, ut coram Papa sustineret earum censuras fore hæreticas. Imo (prout scribit idem *Sant. p. 6. c. 19.*) cum quidam Cardinalis Bullam 5. Propositionum condemnatoriam esse conceptam inaudiisset, adhuc easdem propositiones in sensu præfato defendere conabatur. Denique ex ipsis Consultorum suffragiis à Santamoreo aliisque productis liquet nonnullos è Consultoribus illis quædam è quinque Propositionibus à censura exemisse.

Quid ergo mirum si in Belgio aliisque locis inventi sint 50. aut 60. Theologi, qui Librum (cujus Authorem propter ingenium, studium, pietatem & labores, tamquam de S. Sede, de Ecclesia Belgica, de Universitate Lovaniensi, quin de Augustissima Domo Austriaca optimè meritum magnopere suspiciebant) approbârint, laudibusque cumulârint; adeoque quinas hæreses in eodem Libro reperiri non existimârint: cum etiam 5. famosæ Propositiones, demptâ primâ, ibi non contineantur expressis terminis: cumque nondum ad censuram oblatae forent: potuerintque

Propositiones istæ, prout in Libro traduntur, benignè à præfatis approbatoribus intelligi, & ab ipsis aut plerisque ipsorum ad sensum gratiæ per se efficacis Augustinianæ revocari.

OBJECTIO V.

In Decretis Apostolicis causam Jansenianam concernentibus debuisset apponi distinctio inter jus & factum, aut per-mitti debuisset ut illa Decreta cum tali distinctione reciperentur & subscribe-rentur, saltem à Monialibus, præsertim cum factum Jansenii foret controver-sum: cùmque Baronius, Bellarminus, aliique S. Sedi plurimum addicti distinctionem istam adhibeant in aliis simili-bus causis.

RESPONSIO.

SEdes Apostolica distinctionem illam non improbat, neque Doctoribus particularibus ejus usum inhibet: sed illam in suis Decretis aut eorum subscriptionibus, juxta morem hætenus in Ecclesia observatum, non admittit: idque non minus quod attinet ad facta contentiosa seu controversa, quam ad alia.

Nam

Nam in Concilio Constantinopolitano II. Generali V. collatione 6. sic statuitur.

Si quis non anathematizat Arium, Eunomium, Macedonium, Apollinarem, Nestorium, Eutychem, Originem cum impiis eorum conscriptis... talis anathema sit.

Si quis defendit impium Theodorum Mopsuestenum, & impia ejus conscripta... & non anathematizat eum & impia ejus conscripta... talis anathema sit.

Si quis defendit impia Theodoreti conscripta quæ contra rectam fidem & contra primam Ephesinam S. Synodum & S. Cyrillum & duodecim ejus capitula expoluit, talis anathema sit.

Si quis defendit Epistolam quam dicitur Ibas ad Marim Persam hæreticum scripsisse... & non anathematizat eam... talis anathema sit. Hæc ibi.

In Concilio Lateranensi celebrato per S. Martinum Papam I. cum centum quinque Episcopis, Canone 18. sic statuitur.

Si quis, secundum SS. Patres, consonanterque nobis, pariterque fide non respuit & anathematizat anima & ore omnes quos respuit & anathematizat neta-

nefandissimos hæreticos *cum omnibus impiis eorum conscriptis usque ad unum apicem* Sancta Dei Ecclesia Catholica & Apostolica, hoc est Sanctæ & Universales quinque Synodi, & consonanter omnes probabiles Ecclesiæ Patres, id est, *Sabellium, Arium, Originem, Didymum, Evagrium*, & compendiosè omnes reliquos hæreticos... *hujusmodi condemnatus sit.*

Denique in Concilio Constantinopolitano III. Generali VI. actione 13. habentur sequentia.

"Hasque (Epistolas Sergii tam ad
 „Cyrum quàm ad Honorium, & *Episto-*
 „*lam Honorii* ad Sergium) inveniētes
 „omnino alienas existere ab Apostolicis
 „dogmatibus, & à definitionibus San-
 „ctorum Conciliorum, & cunctorum
 „probabilium Patrum, sequi verò falsas
 „doctrinas hæreticorum, eas omnimo-
 „do *abjicimus*, & tamquam animæ no-
 „xias *execramur*. Quorum autem, id
 „est eorundem, impia execramur dog-
 „mata, horum & nomina à Sancta Dei
 „Ecclesia projici judicavimus, id est
 „Sergii... Cyri Alexandriæ, Pyrrhi,
 „Petri & Pauli... & Theodori... quos
 „anathemati submitti *definimus*. Cum
 „his

„his verò simul projici à Sancta Dei Ca-
 „tholica Ecclesia, simulque anathema-
 „tizari prævidimus *Honorium*, qui fue-
 „rat Papa antiquæ Romæ, eo quod in-
 „venimus per Scripta quæ ab eo facta
 „sunt ad Sergium, quia in omnibus ejus
 „mentem secutus est, & impia dogma-
 „ta confirmavit." Hæc ibi.

Porro nullus eruditus ignorat illud
 quod vocant factum Origenis, Theo-
 dori Mopsuesteni, Theodoreti, necnon
 Honorii, tunc temporis, uti & postea,
 fuisse summopere controversum. Et ta-
 men præfati Canones sine distinctione
 juris & facti anathematizant, condem-
 nant, definiunt, prout supra.

Igitur jure merito Summus Pontifex
 cautam Jansenianam, distinctione tali
 non adhibita, terminavit: præsertim cum
 juxta Episcopum Aletensem in sua ad
 Archiepiscopum Parisiensem Epistola,
 factum Jansenii sit planè simile factis Ho-
 norii & Theodoreti.

Quod autem Moniales, aliosque non-
 nullos specificè concernit, dictum est in
 Historia.

OBJECTIO SEXTA.

In æternum disputabitur quis sit sensus ob-
vius 5. propositionum, sicuti quis sit
sensus a Jansenio intentus: & ideo ad-
huc nunc omnino desideratur ut clare
& distincte explicetur sensus damnatus
istaram propositionum, sicuti adhuc de-
sideratur examen legitimum libri Jan-
senii.

RESPONSIO.

Innocentius X. his Bullæ suæ ver-
bis, Cum occasione impressionis libri
cui titulus Augustinus Cornelii Jansenii
Episcopi Iprensis, inter alias ejus opinio-
nes orta fuerit, præsertim in Galliis, con-
troversia super 5. ex illis, clare affirmat
5. propositiones contineri inter alias
opiniones quæ traduntur in libro
Jansenii: & idem iterum apertè insi-
nuat in fine Bullæ his verbis, Non in-
tendentes approbare alias opiniones quæ
continentur in prædicto libro: ac postea
illud ipsum in supra relato Brevi ad
Episcopos Galliæ confirmavit 29.
Sept. 1654. his verbis: Damnauimus
in 5. propositionibus C. Jansenii doctri-
nam ejus libro contentam.

Ideoque Alexander VII. merito definivit & declaravit Innocentium X. damnavisse 5. propositiones in sensu à Jansenio intento.

Deinde ex his dictæ Bullæ Innocentianæ verbis, „ Tenor verò præfatarum propositionum est prout sequitur. Prima. Aliqua Dei præcepta, &c. & ex damnatione subjuncta, clare patet illas propositiones ibi damnari juxta suum *tenorem*, adeoque ibi damnari in sensu obvio quem ipsamet propositionum verba præ se ferunt, prout Innocentius XII. prædecessores suos (scilicet Innocentium X. & pariter Alexandrum VII. qui Innocentii X. Constitutionem approbavit & innovavit) sensum illum damnavisse declaravit.

Ex quo sequitur quod 5. propositionum sensum à Jansenio intentum S. Sedes judicet eundem esse cum 5. propositionum sensu obvio quem ipsamet propositionum verba præ se ferunt.

Cumque ipsa experientia docuerit quod non parum difficile sit 5. propositionum sensum à Jansenio intentum ex lectura libri Janseniani reperire: &

è contra facile sit nosse quisnam 5. propositionum sit sensus obvius quem ipsamet propositionum verba præ se ferunt ; ratio dictat ut si nosse velim quisnam sit ille sensus in quo quinque propositiones damnavit S. Sedes , & consequenter nosse velim quisnam sit dictus sensus obvius , & dictus sensus à Jansenismo intentus , potius considerem quisnam sit 5. propositionum sensus obvius quem ipsamet propositionum verba præ se ferunt , quam examinem quisnam sit 5. propositionum sensus à Jansenio intentus , sive in libro ejus expressus. Estque hoc conforme Decreto , quo Innocentius XII. silentium imposuit super interpretatione 5. propositionum in alios sensus præter eum quem ipsa verba præcisè exhibent.

Ast (objicit Author prologi Panægyreos pag. 62. & seq.) in æternum disputabitur quis sit ille sensus obvius quem ipsamet propositionum verba præ se ferunt. R. Non est ita , veluti mox apparebit.

Jesuitæ (pergit objicere dictus Author) sensum obvium accipiunt sensum

sum Augustinianum, & gratiæ per se efficaciæ. R. Non defuere quidem Jesuitæ & alii qui sic intellexerent sensum à Jansenio intentum : & pariter contigit, & facile continget, sic ab aliquo intelligi sensum obvium libri Janseniani : sed hætenus ignotus est ullus Jesuita vel alius eruditus (uti nec creditur facile futurus) qui *sensum obvium quem ipsamet propositionum verba præ se ferunt*, acceperit velut objectum est.

Pergit idem Scriptor. Augustinianæ gratiæ defensores, ait, sensum obvium assignant sensum Lutheranium aut Calvinisticum. R. hoc factitarunt, sed perperam, illi qui quo minus 5. propositiones sine sensuum distinctione damnarentur impedire conati sunt; dum ex. g. in prima columna celebris sui scripti distinctionis 5. propositionum in varios sensus, hunc sensum tamquam damnabilem & hæreticum primæ propositionis assignarunt, vel saltem (uti expressè dixerunt) tanquam talem qui primæ propositioni affingi posset, quem tamen legitimè sumpta non habet :

” Justis omnibus quantumlibet volentibus, len-

„lentibus & conantibus secundum
 „præsentes quantascumque vires quæ
 „à gratia magna & efficace habentur,
 „mandata Dei sunt impossibilia. Deest
 „quoque illis semper & quamdiu vi-
 „vunt gratia qua possint vel unum ex
 „mandatis Dei sine peccato adim-
 „plere.

„Hæc propositio (aiebant ibidem
 „infra) est hæretica, Calviniana aut
 „Lutherana, & à Concilio Triden-
 „tino damnata. „ Sed manifestum
 est quod sensus ibi assignatus non sit
 sensus obviu quem ipsamet primæ
 propositionis verba præ se ferunt. Et
 idem est de sensu primæ propositionis
 qui à Scriptore Panegyreo pag. 67.
 assignatur hoc modo. "Aliqua Dei
 „præcepta justis omnibus volentibus
 „& conantibus secundum præsentis
 „vitæ vires sunt absolutè impossi-
 „bilia, deest quoque iisdem gratia qua
 „possibilia fiant.

Item de sensu qui ad primam pro-
 positionem in secunda columna appo-
 nitur hoc modo. "Aliqua Dei præ-
 „cepta aliquibus justis volentibus &
 „conantibus invalidè & imperfectè
 „secundum præsentis quas habent vi-

res, parvas scilicet, & infirmas, seu
 ,, auxilio efficaci ad plenè volendum
 ,, & operandum necessario destitutis,
 ,, impossibilia sunt proximè & com-
 ,, plètè, seu ab iis adimpleri proximè
 ,, non possunt. Deest quoque illis gra-
 ,, tia efficax qua præcepta illis prox-
 ,, imè possibilia fiunt; seu deest illis
 ,, speciale illud auxilium sine quo
 ,, justificatus, ut ait Concilium Tri-
 ,, dentinum, in accepta justitia, id
 ,, est in observatione mandatorum Dei,
 ,, perseverare non potest.

Ac pariter liquet de sensu ejusdem
 propositionis à Dominicanis quibus-
 dam ad sensum gratiæ per se efficacis
 reducto, & à dicto Scriptore relato ex
 Sanct. p. 6. c. 6. qui sic sonat.

Gratia de se efficax verè realiter ac
 ,, physicè præmovens & prædetermi-
 ,, nans immutabiliter, infallibiliter,
 ,, insuperabiliter & indeclinabiliter
 ,, ita est necessaria ad singulos actus,
 ,, etiam ad initium fidei & ad oratio-
 ,, nem, ut sine illa homo etiam justus
 ,, non possit adimplere Dei præcepta,
 ,, etiamsi velit & conetur affectu:
 ,, quia deest illi gratia qua possit, sine
 ,, qua

„qua fiant illi possibilia possibilitate
 „cum effectu : ut loquitur Augusti-
 „nus *De nat. & grat. c. 42.*

Et idem evidenter apparebit de sen-
 sibus 4. aliarum propositionum alle-
 gatis in prædicto scripto distinctionis
 sensuum aut in Panegyri Janseniana,
 aut in jam dicto Dominicanorum
 Scripto.

Adeo ut ex. gr. dum quis quintam
 propositionem damnat in sensu hære-
 tico per Santamoreum ejusque socios
 ante Constitutionem editam allegato,
 aut per Scriptorem prologi Panegy-
 reos nuper assignato, non ideo hanc,
*Christus pro salute dumtaxat prædestina-
 torum mortuus est*, damnet ut hæreti-
 cam in sensu obvio quem ipsamet hu-
 jus propositionis verba præ se ferunt.

Quod attinet ad Consultores, quos
 etiam Author Panegyreos, pag. 63.
 prologi objicit in varias circa pro-
 positionum sensum opiniones abiisse;
 evidens est allegata eorum suffragia
 supponenti & consideranti, quod non
 omnes intenderint unicè spectare sen-
 sum obvium quem ipsamet propositio-
 num verba præ se ferunt : imo (prout
 ani-

animadvertit Thomista supra citatus, apud Sant. in Collect. pag. 176.) rigorosum verborum sensum hæreticum esse inter omnes Consultores constabat.

Et Paulus Irenæus *Disq. 2. a. 4.* de prima propositione sic ait. " Fatendum, est propositionem in se spectatam, & in proprio ac rigoroso sensu, ut loquuntur Romani Consultores, non unam sed multas hæreses complecti. " Et in *Disq. 1. a. 1.* de omnibus quinque sic loquitur. " Omnes ad unum Catholici istas propositiones proscribunt, & quidem in proprio verborum sensu. " Similiter Montaltius in epistola provinciali 17. disertè docet proprium & naturalem sensum 5. propositionum alienum esse à sensu gratiæ efficacis Augustinianæ, ideoque Pontificem illas propositiones damnasse, istæque damnationi omnes acquievissæ. Et ipse quidem Santamoreus p. 6. c. 2. hæc testatur. Post Constitutionem Pontificiam, damnationi propositionum simpliciter acquievimus; inquit, omittentes ultimum bonum sensum illis attribuere,

S

aut

aut illas ullo modo, sub ullo prætextu defendere.

Quin imo ante Constitutionem, uti narrat Sant. ib. satis inter ipsos conveniebat quod 5. propositiones damnabiles essent in naturali, proprio, & riguroso verborum secundum se merè spectatorum sensu: quodque sensus gratiæ efficacis Augustinianæ quem propositionibus secundum se spectatis attribuebant, esset improprius. Sed nihilominus inter se minime conveniebant super modo quo de propositionibus illis loquerentur. Ipsorum enim aliqui censebant illas absolute sustinendas, negandumque esse quod sensum illum malum haberent qui ipsis imputabatur: cum enim, uti protestabantur, nemo propositiones illas in sensu illo malo sustineret, sed in solo sensu gratiæ per se efficacis Augustinianæ (non necessitantis, sed ad singulos pietatis actus necessariæ) videbatur dicendum quod sensus in vocibus istis intelligi solitus, etsi secundum se minus proprius, revera tamen esset illarum sensus litteralis & legitimus (quemadmodum dici solet de figuratis

guratis S. Scripturæ locutionibus) & quod hoc ipsum esset Romæ liberè declarandum , ne alias Roma facilius ad damnandas illas propositiones induceretur, quas videret ab his etiam ex parte damnari. Alii ècontra censebant quod tutius foret illas propositiones absolutè rejicere, una nihilominus sustinendo veram S. Augustini doctrinam ; ne postquam contigisset illas propositiones damnari , contenderent Adversarii gratiam efficacem esse damnatam , aut saltem sumerent occasionem defensores ejusdem gratiæ traducendi tanquam à S. Sede damnatos. Hancque sententiam tuebatur Sanbo-
vius cum plerisque Doctõribus amicis, & in eundem propendebant Collegæ omnes Santamorei, videlicet ut non loquerentur de propositionibus nisi tanquam damnabilibus. Ipse verò Santamoreus cum quodam Doctõre Parisiensi & pluribus aliis peritis Romanis , priori sententiæ adhærebat , veritus ne meticulosè procedendo censuram attraheret, quæ per quorundam abusum , plurimum mali adferret. Ideoque idem Santamoreus (ubi Col-

legæ ejus in scripto distinctionis sensum , exhibendo sensum malum , censebant simpliciter dicendum *sensus hæreticus propositionis* , aut *sensus qui propositioni affingi posset*) effecit ut sic poneretur , *qui maligne affingi posset* , quem tamen legitime sumpta non habet. Hæc omnia ex Santamoreo supra citato , qui ibidem fatetur se propter antedicta anxium esse, semperque fuisse, licet simul addat sibi non constare quod in illis erraverit. Quod tamen jam pauci non vident.

Denique ipse Author ex quo præcedentes objectiones desumptæ sunt, prologi pag. 66. sic ait. " Non hæc , eo à me animo proferuntur, ut propositiones ipsas... crudas , ut jacent, , atque in terminis suis tuear.

Quæ cum ita sint , facile videre est eundem Authorem , pag. 67. & seqq. malè ponere hæc duo tamquam ad pacem Ecclesiæ adhuc nunc omnino desiderata. 1. Ut clarè & distinctè explicetur sensus damnatus quinque propositionum. 2. Ut Liber Jansenii legitime examinetur. Nam quod ad primum attinet , ostensum est in historia qualiter Author ille sub specie
expli-

explicationis , sensum propositionum immutet. Deinde quinque propositionum damnatus sensus clarè & distinctè determinatus est , cum non tantum damnatæ sint in sensu à Jansenio intento , verum etiam damnatæ sint juxta suum tenorem , id est (velut Innocentius XII. interpretatus est & declaravit) in sensu obvio quem ipsamet propositionum verba præ se ferunt : ex quo sensu obvio , clarofactis & distincto , determinatur sensus ille minus clarus & distinctus , quem Pontifex significavit nominans sensum à Jansenio intentum : prout adhuc supra dictum est. Ideoque jure merito Innocentius XII. in suo Decreto de 28. Anni 1694. super Formularii interpretatione , sicut & prædictarum propositionum in alios sensus præter eum quem ipsa verba per se exhibent , omnibus & singulis . . . perpetuum silentium imposuit.

Quantum ad novam Libri Jansenii discussionem quæ requiri prætenditur (& quidem quæ sit juridica , & in qua defensioni locus detur , partes contradictoriæ audiantur , & omnibus ritè perceptis , consideratis , expen-

penlis , peremptoria dicatur sententia) supra ostensum est , jura quæ ad præ-
tensam illam juridicam Libri discus-
sionem allegantur , impertinentia esse ,
solumque concernere judicium perso-
narum : & de cætero pariter osten-
sum est supra , quod Liber Jansenii
summa diligentia sub Innocentio X.
discussus fuerit , simulque tunc fue-
rit examinatum an quinque proposi-
tiones in isto libro continerentur.
Deinde suppose Libri examen iterari ,
priusque judicium confirmari , pu-
tasne quod illi qui modò dissentiant ,
tunc assentient , aut saltem silebunt ?
Mirum si non contendant iterum ali-
quam juris formulam examini defuisse ,
aut saltem , si non allegent Pon-
tificem imò Ecclesiam in ejusmodi
rebus falli posse , cum magis attende-
re deberent se ipsos errori esse obno-
xios , meritòque silentium , cele-
brium ipsorum quatuor Episcoporum
judicio debitum , observarent etiam
modò.

F I N I S.

A P P E N D I X

De Suaviana Concilii Tridentini historia.

IN responsione ad quartam objectionem dictum est probatum iri quod historia ista sit intolerabilis. Ad hoc verò sufficit ejusdem initium expendere, in quo nempe totius operis summa exhibetur hoc modo. "Et, si plerique hoc seculo magni nominis Historici scriptis suis peculiare quosdam rerum in Concilio Tridentino gestarum eventus attigerint, & I. Sleidanus diligens inprimis auctor conventus illius causas summâ accuratione commemorarit.

N O T A I.

J. Sleidanus (qui juxta *Suavem* est diligens inprimis auctor, quique juxta eundem, *Concilii Tridentini causas summâ accuratione commemoravit*) hæreticus fuit, & in favorem hæresum suarum multa mendacia scripsit; veluti passim observant Scriptores Catholici, inter quos H. Spondanus ad annum 1619. eundem Sleidanum mendaciorum loquaci simum appellat. Et ad

ad annum 1556. sic ait : " Moritur
o, J. Sleidanus spurius, & hereticus Bel-
,, ga, qui suos de Religione & Re-
,, publica libros præcedenti anno edi-
,, derat mendaciis & imposturis refer-
,, tissimos. Spenc. Genebrard.

Prosequitur *Suavis* paucis interpo-
sitis.

" Mihi igitur consilium est expo-
,, nere causas & in rebus tractandis
,, progressum Conventûs Ecclesiasti-
,, ci, qui duorum & viginti anno-
,, rum spatio, propter diversos fines,
,, variis artibus hinc expetitus & sol-
,, licitatus, inde impeditus & dilatus,
,, octodecim post annis aliquando
,, convocatus, interdum dimissus,
,, utique diversissimis propositis fini-
,, bus concelebratus, *exitum habuit*
,, *planè repugnantem* tam eorum desti-
,, nationi qui ipsum procuraverant,
,, quàm illorum formidini qui sibi ab
,, eventu metuentes, omne studium
,, ad eum disturbandum contulerant;
,, *illustri certè in omnem posteritatem do-*
,, *cumento*, res cogitationesque mor-
,, talium in Deum conjiciendas, ne-
,, que humanæ prudentiæ viribus fi-
,, dendum. Etenim Concilium hoc
quod

„ quod Viri pii ardentibus votis fla-
 „ gitantes tandem procurarunt ad Ec-
 „ clesiam quæ fatiscere & dividi cœp-
 „ ta erat, rursus uniendam & con-
 „ glutinandam, è contrario tantâ
 „ partium obstinatione *Schisma constabi-*
 „ *lavit*, ut reconciliationis spes om-
 „ nis decœxerit. Quod Principes ad
 „ Ordinis Ecclesiastici reformationem
 „ celebrandum curarunt, *maorem*
 „ *quàm unquam aliàs ex quo fuit nomen*
 „ *Christianum*, in Ecclesiam invexit de-
 „ *formitatem*. Quod Episcopi spera-
 „ bant *Antistitum Dignitatem* in inte-
 „ grum restitutum, quam penè u-
 „ niversam ipsis ademptam Pontifex
 „ Romanus ad se traxerat, eandem
 „ *plenisimè prostravit*. Quod deniquè
 „ Curie Romanę odiosum erat & for-
 „ midabile, quasi unicum remedium
 „ & in speciem efficax moderandæ
 „ immensæ illius potentiaë, *qua ab*
 „ *parvis initiis lapsu temporis excreve-*
 „ *rat in infinitum*, eam in sibi subditos
 „ *ita validè fixit & corroboravit*, ut
 „ nunquam tanta tamque firmis radi-
 „ cibus innixa credatur.”

N O T A I I.

SAcrosancta Synodus Tridentina (quæ pro extirpandis hæresibus & moribus reformandis præcipuè congregata fuit, uti dicitur sess. 3. & quæ ad utrumque finem accommodatissima decreta edidit) juxta *Suavem* prorsus exitialis fuit. 1. Quia schisma constabilivit. 2. Quia non Ordinis Ecclesiastici reformationem, sed majorem quàm unquam aliàs ex quo fuit nomen Christianum, in Ecclesiam invexit deformitatem. 3. Quia Antistitum dignitatem plenissimè prostravit. 4. Quia immensam Curie Romane potentiam, quæ, juxta *Suavem* ab parvis initiis lapsu temporis excreverat in infinitum, minimè moderata est, sed eam e contra in sibi subditos validè fixit.

Ex quo patet historiam illam non tantum intolerabilem esse, sed impiam & mendacem.

Neque multò minùs probari posset de alio libro, qui pluribus eruditis placere dicitur, & cui titulus est, *Traité des benefices, de Fra Paolo Sarpi.*

APPENDIX ALTERA

*Continens varios excessus è nona parte
difficultatum Domino S. propo-
sitarum extractos.*

E X C E S S U S

Decretum Alexandri VIII. con-
demnatorium 31. propositio-
num, habendum est tanquam subre-
ptitium : pag. 124. adeoque tanquam
irritum : pag. 270.

Negari non potest quin Decretum
istud sit subreptitium, adeoque nullat-
enus attendendum, si probari possit
plurimas illarum propositionum falsò
imputatas fuisse Authotibus, quibus
delatores easdem adscripserant : pag.
256. & 257.

Obreptio ista probatur primò ex
propositione 24. ib. Secundò ex pro-
positione 18. pag. 258. Tertiò ex
propositione 23. pag. 260. Quartò
ex propositione 16. ib. Quintò pro-
batur obreptio ex propositione 25.
pag. 267. Sextò ex propositione 31.
pag. 285. & 292.

R E S P O N S I O.

Imprimis Decretum illud receptum est saltem in Belgio, etiam ab illis quorum partes agit Doctor Hennebel, uti probatum est in præfatione. Deinde nulli nominantur Authores in Decreto. Tertiò licet quibusdam instantibus, non tamen ad ullius instantiam, sed motu proprio, & examine diligenti præmisso, emanavit. Ac proinde, tametsi supponeretur ibi dari locum errori, non daretur tamen subreptioni.

O B I E C T I O.

Innocentius XI. consentire noluit, ut Decretum istud emanaret. . . . & postea sub Alexandro VIII. emanavit absque novo examine : pag. 254.

R E S P O N S I O.

Quamvis ita esse supponeretur, equidem examen præcesserat, & solus annutus Pontificius requirebatur : illumque dedit Alexander VIII.

E X C E S S U S.

Idem Decretum, propter obreptionem,

nem, aliis abundat vitiis, ob quæ nullius momenti esse debet apud eos omnes qui Ecclesiam amant : pag. 285.

Tantum dissidiis turbisque fovendis accommodatum est : pag. 123.

Propositio 7. est unum è sanctioribus moralis Christianæ principiiis : pag. 178.

Hæc propositio, *Omnia infidelium opera sunt peccata* (& consequenter propositio 8.) necessariò sequitur ex sancto principio jam dicto : ib.

Propositio 12. & 28. non videntur ullam censuram mereri : pag. 212.

5. Propositio concepta est talibus terminis qui subministrare possunt aliquem *prætextum* illam damnandi : sed adhuc facilius est illâ abuti ad convellendum certissima principia doctrinæ de gratia : pag. 213.

Ejusdem propositionis hæc ultima pars, *unde inferes in infidelibus voluntatem nudam esse & inermem & sine ulla gratia sufficiente*, si vera sit (veluti constanter est) perperam adjuncta fuit alteri parti : pag. 232. & 233.

RESPONSIO patet.

EXCESSUS.

Propositiones 31. modo multis inconvenientibus obnoxio sunt proscriptæ pag. 248. tanquam temerariæ, scandalosæ &c. cum addito *respectivè*: pag. 249. & sic quoque factum est in Bulla Pii V. data contra Baium: sed etiam hæc Bulla plurimas inter Theologos turbas excitavit: pag. 250. Bulla jam dicta nunquam fuit juridicè publicata: pag. 252. Gregorius XIII. nihil aliud concedit quàm ut conscribatur seu sumatur unum transumptum ex Bulla Pii V. . . concessio verò sumendi unum transumptum non est juridica publicatio: ib. Ipsa Bullæ dispositio seu contextus tam parum accuratè ordinatus est &c. ib.

Urbanus VIII. de Bulla sua *In eminenti* Sinnichio declaravit se dumtaxat intendisse Bullam Pii V. & Gregorii XIII. innovare: seque disertè cavisse ne ullus in ista Bulla *nominaretur*: pag. 287. (loco *nominaretur* oportuisset dicere *in particulari sugillarethi cum expressione nominis*, veluti sonat attestatio Sinnichii relata pag. 290.

R E S P O N S I O.

Ista & alia ejusmodi in historia Baianismi confutata sunt.

E X C E S S U S.

Princeps de Conti testatur Gallos Romanæ inquisitionis auctoritatem non agnoscere : idque propter suas libertates , quæ nihil aliud sunt quàm Sacrorum Canonum antiquorum observatio : pag. 352.

R E S P O N S I O.

Quàm parum fundatæ sint illæ prætenſæ libertates, & quàm malè dicantur, nihil aliud esse quàm Sacrorum Canonum antiquorum observatio, luculenter ostenditur in *Traëtatu de libertatibus Ecclesiæ Gallicanæ*. Et pariter ibidem ostenditur quod liber *De Concordia Sacerdotii & Imperii* ab eruditis quamplurimis in Gallia & alibi tantopere laudatus, plurima contineat Ecclesiæ non modò Romanæ, sed & Gallicanæ juribus infecta.

E X C E S S U S.

Certissimum est quod in Gallia non
ag.

agnoscatur Authoritas Romanorum Tribunalium Inquisitionis & Judicis ,
 eò quod sint Congregationes à Sixto
 V. noviter inventæ ad authoritatem
 Summi Pontificis augendam, & Col-
 legii Cardinalium diminuendam: pag.
 349. Inquisitio Hispanica non existi-
 mat se debere semper obsequi Roma-
 næ Inquisitioni : pag. 28. & 52.

R E S P O N S I O.

Dubitari nequit quin Summus Pontifex ejusmodi Tribunalia erigere potuerit , iisque suam authoritatem impertiri , prout fecit (non ob finem hîc temerè assertum , sed ob publicam utilitatem) cum hac tamen exceptione , ut inquisitio Romana circa inquisitionem Hispanicam nihil innovet Papâ inconsulto. Deinde hîc agitur de Decretis quæ vel immediatè à Summo Pontifice , vel ab ejusmodi Tribunali , Pontifice expressè & specialiter approbante, emanârunt.

O B J E C T I O.

Romanorum Censuræ judicia u-
 sui esse possunt sicut illa quæ in Jure Romano vocantur responsa pruden-
 tum : pag. 329.

R E S.

R E S P O N S I O.

Bene est: siquidem responsa prudentium in utroque jure sic intelliguntur ut habeant vim legis. Vide initium institutorum; nec non Decreti.

E X C E S S U S.

Decem vel undecim primis Ecclesiæ sæculis non reperiuntur conditæ leges Ecclesiasticæ, quibus certorum librorum lectio cuilibet generaliter hominum generi interdiceretur: pag. 321. Ante duo seculo ultimâ conscientiæ uniuscujusque relinquebatur non legere libros qui ipsi nocere possent: hoc enim lege naturali vetitum esse sciens Ecclesia, non existimabat expedire quod illud inhiberet per leges positivas, quæ dum generales sunt, extendi possunt ad homines plurimos quibus non congruerent, & quos solummodo conturbarent: pag. 73.

R E S P O N S I O.

Contrarium liquet ex solo Canone 9. Concilii Generalis Nyceni II. celebrati anno 787. qui sic sonat. "Omnia puerilia ludibria, insanasque
V
de-

„ debacchationes atque conscriptæ ,
 „ quæ falsò contra venerabiles imagi-
 „ nes facta sunt , dari oportet in Epif-
 „ copio Constantinopolitano , ut re-
 „ condantur cum cæterorum hæreti-
 „ corum libris. Si verò quis inven-
 „ tus fuerit hæc occultare , si qui-
 „ dem Episcopus aut Presbyter vel
 „ Diaconus fuerit , deponatur , si ve-
 „ rò Monachus aut Laicus , anathe-
 „ matizetur.”

Præterea per illud *Ecclesia non exi-
 stimabat expedire &c.* tacitè culpatur
 non modò Concilium jam dictum ,
 verùm etiam Concilium Generale
 Constantiense , quod sess. 8. libros
 Wicleff. omnibus legere aut tenere
 sub excommunicationis pœna prohi-
 buit : & Concilium Tridentinum ,
 quod sess. ultimâ tit. *de Indice librorum*
 præcepit ut quidquid circa illum indi-
 cem à Patribus à se delectis præstitum
 erat , SS. Romano Pontifici exhibe-
 retur , ut ejus judicio atque authori-
 tate terminaretur & evulgaretur. De-
 nique pariter culpatur Synodus Pro-
 vincialis Mechliensis II. tit. i. c. 7.
 &c.

E X C E S S U S.

Romanis omnibus librorum prosciptionibus adungere prohibitionem illos legendi, sub pœna peccati mortalis Nunquid illud est quod S. Paulus vocat *inijcere laqueos* conscientiis infirmis ? Pag. 330. & 331. Alterum malum quod generales illæ tot librorum prohibitiones efficiunt, est quod conscientias timoratas nimium torqueant, Religionisque Christianę jugum aggravent, adversus ejusdem Religionis spiritum . . . Videri potest quid S. Augustinus cap. 19. suæ 2. ad Januarium epistolæ super hac re doceat. ib

R E S P O N S I O.

Bellarminus de Rom. Pont. l. 4. c. 18. ostendit Augustinum loco citato tantum agere de quibusdam particularibus vulgi & hominum rudium consuetudinibus quæ paulatim obtinent vim legis, & quæ quando nimis excreverunt, deberent Episcoporum auctoritate tolli & abrogari. Videri quoque potest S. Thomas 1. 2. q. 107. a. 4. ubi meminit ejusdem loci. Vide

etiam, si lubet, Canonem 30. Concilii Provincialis Triburiensis de anno 895. Item Canonem 20. Provincialis Concilii Turonensis de anno 567.

E X C E S S U S,

Jure merito sustinet Gerson non esse obediendum Pontifici aliquid præcipienti *in præjudicium justæ libertatis* ... Non oportuit igitur obedire Congregationi Indicis, neque Pio V. prohibenti imprimi, distrahi, & privatim recitari Officium B. M. Virginis translatum in linguam vulgarem. Idem dici potest de Advocatis & Judicibus... qui parere non debuerunt prohibitioni librorum Caroli Molinæi non concernentium Religionem; cum talis prohibitio sit in maximum præjudicium justæ libertatis : pag. 310. & 311.

Nunquid iterum foret in præjudicium justæ libertatis, quod contenderetur illos qui Astrologiam judicariam planè contemnunt, non posse sine peccato quosdam istius falsæ scientiæ libros legere ad ejusdem absurditates plenius intelligendas? pag. 330.

Proscribitur aliquando liber quia

impressus fuit absque certis formulis,
aut contra Decretum alicujus Ponti-
ficis qui vetuit quidquam in certa ma-
teria imprimi sine scripta inquisitionis
Romanæ licentia. Cum autem li-
queat quod eo non obstante liber ille
bonus esse possit, si reipsa & omnium
judicio sit talis, omne illud Decretum
quod mihi istius libri lecturam inhi-
bet, reputandum est tamquam novum
ex illis quæ Pius Gerson invalida esse
sustinet, eò quod sint in præjudicium
justæ libertatis: pag. 329.

R E S P O N S I O.

His aliisque pluribus in præfata
nona difficultatum parte contentis ex-
cessibus, meritò opponuntur sequen-
tia, quæ in eadem *nona parte* pag. 111.
& 112. expressè traduntur. "Dum
„aliquod Tribunal non infallibile fert
„sententiam, præsumitur eam esse ju-
„stam. adeò ut qui de illa con-
„quereretur, rationes speciales allega-
„re teneretur, quibus illius injusti-
„tiam ostenderet. Unde dum qui-
„dam Religiosi se Abbatis sui præce-
„ptis non adstringi contenderent præ-
„texentes quod posset ille quædam
„præ

„præcipere Divinæ Legi contraria ;
 „S. Bernardus in libro de præcept. &
 „dispens. ita respondit : *Quid ad te qui*
consciens non es ? Que vous sert d'alle-
guer cela , quand vous n'êtes point as-
suré que ce qu'il vous commande y soit
contraire ?

Merito, inquam, hæc opponuntur:
 nam etiam si detur quod Tribunal In-
 quisitionis aut Indicis , aut quod ipse
 Summus Pontifex in judicanda lege
 conducibili vel non conducibili falli
 possit , non poterit equidem subdi-
 tus obedientiam detractare ., *Quand*
il n'est point assuré que ce que le Su-
perieur luy commande soit contraire à
la loix de Dieu : porro tantum
 abest quod illi qui quosdam libros
 prohibitos privatâ authoritate legunt,
 certò sciant quod legi Divinæ repug-
 net à libris illis legendis abstinere , ut
 passim fateri debeant se non certò sci-
 re an Superior non habuerit justam
 aliquam rationem libros illos inhi-
 bendi.

Obedite Præpositis vestris & sub-
jacete eis. S. Paulus,